



類花業取寶

4カ03
1493
22-3

共
二
十
三



1493
卷 22-3



類苑叢寶卷之五

地道門



地

春秋元命苞地者易也言養物懷任交易變化含吐應節故其立字土力於乙者為地

含陰而起

蓬故轉右迎天佐其道爾雅東至秦遠西至邠國

南至嶺

鉛北至祝栗謂之四極孤竹北戶西王母日下謂之四

荒九夷八狄七戎六蠻謂之四海

樂聲儀下元者地氣也為始萬物生育長養蓋藏之主也

孝經援神契計九州之別壤

山陵之大澤川所注萊洹所生鳥獸所聚九百一十一萬八千二十四頃磽确不墾者千五百萬三千頃

家語子夏曰商聞

山書曰地東西為緯南北為經周禮又云東西為廣南北為輪
山為積德川為積形高者為生下者為死丘陵為牝谿谷為牡
墨子禽子問天與地孰仁墨子曰羸以地為仁太山之上則
封禪焉培塿之側則生松柏下生黍苗莞蒲水生龜鼈魚民
衣焉食焉家焉死焉地終不責德焉故羸以地為仁 抱朴子
太極初構清濁始分故天先成而地後定 白虎通地者元氣
之所生萬物之祖地施也諦也應施變化審諦不誤故謂之地
也 文子地承天故定寧地定寧萬物形地廣厚萬物聚定寧
無不載廣厚無不容地勢深厚水泉八聚地道方廣故能久長
物理論地者底也底之言著也陰體下著也其神曰祗祗成

也鎮之以五嶽積之以丘陵播之以四瀆流之以百川蓋氣自
然之體也西北高而東南下東西長而南北短 說苑子貢問
孔子曰賜為人下未知所以為人下之道也孔子曰為人下者
其猶土乎種之則五穀生焉掘之則甘泉出焉草木植焉禽獸
育焉生人立焉死人入焉多其功而不言為人下者其猶土乎
說文地者地也地而高也山嶽丘陵墳衍也而卑也韋隰汗
潢故曰地有二形高下平也 論衡天有日月星辰謂之文地
有山川陵谷謂之理 申子四海之內六合之間曰奚貴曰貴
土土食之本也 地道不作是以常靜地道常靜是以正方
萬機論夫土地者百姓之所蹈也地云者都大之名土者細屬

之號 孔晁云能吐生百穀謂之土 關令內傳地以山為之
輔佐石為之骨川為之脉草木為其毛土為其肉地厚萬里其
下得太空太空四角下有自然金柱方圓五千里 靈憲天成
於外地定於內天體於陽故圓以動地體於陰故平以靜至大
莫如天至厚莫若地至多莫若水至空莫若土至華莫若木至
實莫若金至無莫若火 鄒衍曰儒者所謂中國者於天下乃
八十一分居其一分耳中國名曰赤縣神州赤縣神州內自有
九州禹之序九州是也不得為州數中國外如赤縣神州者九
乃所謂九州也於是有裨海環之人民禽獸莫能相通如此者
九乃有大瀛海環其外天地之際焉 張子房赤電經崑崙柱

天萬脉由起西北綿亘幽寒莫詣為背為項為脊為尾下為齧
齧上為髮際面居秦雍耳目口鼻幽冀川蜀分左右背懸心關
胸腹垂浴內胃腕出納為所為渭大河大江經絡榮衛大腸膀胱
震澤深濟青徐以降是為髓髀泄為尾閭滄洋無際海州萬
國糞滓塵穢中原為雄魁傑竒偉江南為雌清楚嬌麗言其孕
人物然也 劉向別錄鑿山鑽石則地痛人民多若蚤虱蚤虱
衆多則地穢 淮南子九州之外乃有八寅八寅之外乃有八
絃八絃之外乃有八極 禹乃使大章步自東極至于西極二
億三萬三千五百里七十五步使豎亥步自北極至于南極二
億三萬三千五百里七十五步 括地象八極之廣東西二億

三萬三千里南北二億三萬一千五百里夏禹所治四海內地
東西二萬八千里南北二萬六千里 通典秦地則西臨洮北
汝漢東蒙西帶皆臨大海漢興地東西九千三百二里南北萬
三千三百六十八里此漢之極盛也東樂浪西敦煌南日南北
鴈門西南永昌 嵩泰衡華恒謂之五嶽江河淮濟謂之四瀆
上中下謂之三壤山林川澤丘陵墳衍原隰謂之五土鑿戶子
曰天左舒而起牽牛地右闢而起畢昴 河圖括地象地常動
不止如人在舟中開牖而坐舟行人不覺也 淮南子山氣多
男澤氣多女障氣多暗嵐氣多聾林氣多癩木氣多偃崖下氣
多腫石氣多力險阻氣多癘暑氣多天寒氣多壽谷氣多癘丘

氣多狂術氣多仁陵氣多貪輕土多利重土多遲清冰音小濁
水音大湍水入輕遲水入重中土多聖人皆象其氣氣皆應其
類

縮地脉

費長房遇壺公有神術能縮地脉千里聚在目前放

之復如舊食土

開元末懷州武德武陟脩武三縣人無故食

上云味羨異於他先是武德期城村婦人相聚言曰今米貴人
飢難為生活有老父紫衣白馬從十人來過之謂婦人曰何憂
無食此渠水傍土甚佳可食女試嘗之婦人取食味頗異遂失
老父乃取其土至家伴其麵為餅餅甚美由是遠近競取之渠
東西五里南北十餘步土并盡

地

姜師度既好溝洫所在

必發衆穿鑿雖時有不利而成功亦多先是太史令傅孝忠善
占星緯人為之語曰傳孝忠兩眼看天姜師度一心穿地傳之
以為口實**地癖**李愷豐於產業伊川膏腴水陸上田別業相
望與吏部侍郎李彭年皆有地癖**青牛姬**遼皇后述律氏嘗
至遼土二河之會有女子乘青牛車倉卒避路忽不見未幾童
謡曰青牛姬曾避路蓋言謂地祇為青牛姬**黃金母**汾晉村
野間語曰欲作千箱主問取黃金母意謂多稼厚畜田耕所致
也清異**青銅海**汴老圃紀生一鉏庇三十口病篤呼子孫戒
曰此二十畝地便是青銅海也

地震 **三川震** 周幽王二年三川皆震周太史伯陽甫曰周

將亡矣陽伏而不能出陰迫而不能升於是地震今三川實
震是陽失其所而填陰也為陰所填原必塞原塞國必亡昔伊維竭
而夏亡河竭而商亡今周德如二代之季其原又塞塞必竭川
竭山必崩山崩川竭亡之徵也若國亡不過十年數之紀也是
歲三川竭岐山崩幽王之敗女亂其內夷攻其外**巨強為害**
文公九年九月地震天戒若曰臣下強盛者將動為害後宋魯
晉莒鄭陳齊皆弑君 襄十六年五月地震其後崔氏專齊樂盈
亂晉良霄傾鄭閻殺吳子燕逐其君楚滅陳蔡**巨相震** 貞定
王三年晉空桐震七日臺舍皆壞人多死**壞祖宗廟** 漢宣帝
本始二年八月地震壞祖宗廟城郭殺六千餘人 元帝初元

二年二月地震隴西郡毀落太上皇廟殿壁木飾壞敗城郭宮
寺及民室廬壓殺人衆 **蠻夷為寇** 建武二十二年九月郡國
四十二地震其後武谿蠻夷反為寇害至南郡遣武威將軍劉
尚擊之遂為所沒 **女主盛** 和帝永元四年六月郡國十三地
震春秋漢舍孽曰女主盛臣制則地動是時竇太后攝政竇憲
專權 安帝永初元年郡國十八地震李固曰地者陰也法當
安靜今乃越陰之職專陽之政故應以震動是時鄧太后攝政
西羌亂夏連十餘年 **信譏不祭** 建光元年九月郡國三十五
地震或地拆裂壞城郭室屋壓殺人是時帝不能明察信宮人
讒破壞鄧太后家免大尉楊震廢太子 **山谷拆裂** 建康元年

涼州都郡六地震從去年九月以來至四月凡百八十日震山
谷拆裂壞敗城寺傷害人物三月護羌校尉趙冲為叛胡所殺
官人專權 後主炎興元年蜀地震時官人黃皓專權按司馬
彪說閹宦無陽施猶婦人也是冬蜀亡 **春動飢饉** 中大通五
年正月建康地震易飛侯曰地以春動歲不昌是歲大水百姓
飢饉 **夏動為害** 開皇十四年五月京師地震易飛侯曰地動
以夏人流亡是歲關中饑百姓就糴於關東 **陰盛反常** 武德
二年十月京師地震陰盛反常則地震故其占為臣強為后妃
專恣為夷犯華為小人道長為寇至為叛臣 **山自露慶** 貞元
四年正月朔京師地震連二十餘日金房二州尤甚江溢山裂

屋宇多壞人皆露處海震有象慶曆三年五月忻州地大震
六年三月登州地震岬嶠山摧每震海底有聲如雷說者曰地
道貴靜今數震搖兵興民勞之象也地裂漢和帝永元七年
趙國易陽地裂易傳曰地裂者臣下分離不肯相從也安帝
元初元年日南地坼長百六十二里桓帝建和三年郡國六
地裂水湧出壞寺屋殺人時梁冀枉殺李固杜喬靈帝建寧
四年河東地裂十二處裂各長十里百七十步廣三十餘步深
不見底晉太康八年七月大雨殿前地陷方五尺深數丈中
有破船後魏孝靜帝時西河地陷有火出京房易占曰地自
陷其君亡永嘉元年洛陽地陷有蒼白鴉出山崩聖宗帝

秦始皇四年泰山崩墜三里易傳曰自上下者為崩泰山之石頽
而下人君虜懷愆俱辱虜庭此其應也貞觀八年隴右山摧
山者高峻自上而墮之象也垂拱二年雍州新豐縣大風雨
震電有山湧出高一十丈有也周三百畝池中有龍鳳之形木
麥之異武右以為休應名曰慶山荊州人俞文俊上言天氣不
和而寒暑隔人氣不和而贅疣生地氣不和而推阜出今陛下
以女主居陽位反易剛柔故地氣隔塞山變為災陛下以為慶
山臣以為非慶也后怒流于嶺南開元十七年藍田山摧裂
百餘步畿內山也古曰人君德消政易則然天寶十一載女媧
墓日大雨晦冥失所在至乾元二年瀕河人聞有風雷曉見其

墓湧出下有巨石上有雙柳各長丈餘時號風陵堆占曰塚墓
自移天下破 宋慶元二年台州黃石縣有山自從五十里餘
聲如雷草木塚墓皆如初而故址為洲潭時臨海縣清潭山亦
自移唐志曰山徙者君不用道祿去公室賞罰不由君侯人執
政也此韓侂胄擅朝之應 熙寧元年潭州山裂出米十萬斛
炊之成飯而腥不可食至京師信米也但色黑如炭

山

楊文易封序險而止山也險而動山也動靜皆蒙險故曰
山 春秋說題辭山之為言宣也含澤布氣調百神也

仙掌辨山形銳而出者為虎牙失而背者為熊耳角而燬者為
牛首冠而峭者為鷄頭 王子晉曰古之長民者不墮山山土

之聚也 荀子積土成山風雨興焉 釋名山產也產萬物也
爾雅山頂曰冢亦曰巔亦曰椒山脊曰岡山大而高曰嵩小
而高曰岑銳而高曰嶠卑而大曰庖小而衆曰巋上大下小曰
巘山有草木曰岵無草木曰岹石戴土曰岨土戴石曰崔嵬山
東曰朝陽山西曰夕陽山足曰麓山穴曰岫山邊曰崖上秀者
曰峯陬隅高曰岵山坡曰坂山中絕曰陁山屬曰嶧狹而高曰
巖土山曰阜曲阜曰阿大阜曰陵小陵曰丘山精曰夔亦曰雲
陽祭山曰廢 郭熙曰春山淡冶如笑夏山蒼翠如滴秋山明
淨如粧冬山慘淡如睡 鞏氏耳目志海山微茫而隱見江山
巖厲而峭卓溪山窈窕而幽深塞山童頽而堆阜 說苑仁者

何以樂山者萬物之所瞻仰草木生焉衆物立焉飛禽萃焉走獸休焉寶藏殖焉奇夫息焉育群物而不倦焉四方並取而不限焉出雲道風從乎天地之間天地以成國家以寧有似夫仁人志士是仁者所以樂山也 孔子曰夫山生材用無私為焉四方皆伐無私與焉出雲雨以通乎天地之間萬物以成百姓以饗此仁者之樂乎山也 管子凡天下名山五千三百七十出鐵之山三千六百有九上有丹砂下有黃金上有磁石下有銅金上有綠石下有鈔錫上有赭下有鐵 雜俎山上有葱下有銀山上有薤下有金山上有薑下有銅錫山有寶玉木秀枝皆下垂 關令內傳八百歲天下名山一開開時金玉之精

涌出 海錄方丈之西北有陰成大山滄浪之西有陽長大山此二山是陽九百六曆數之標揭也百六之運將至則陽長水竭陰成水架陽九之運將至則陰成水竭陽長水架

泰山 東嶽也在兗州奉符縣名蓬玄太空洞天 山一名天孫言為天帝孫也主召人魂東方萬物始成故知人生命之長短 風俗通曰岱宗岱始也宗長也萬物之始陰陽交代故為五岳長王者受命恒封禪之 白虎通王者受命必封禪封者增高也禪者廣厚也皆刻石紀號著已之功績以自效也天以高為尊地以厚為德故增泰山之高以報天禪梁父之趾以報地

雲關天門

漢光武封泰山雲氣成宮闕 漢官儀泰山盤道

屈曲而上凡五十餘盤經小天門大天門仰視天門如從穴中

視天窓山頂西巖為仙人石閭東巖為介丘東南巖名曰觀又

東南名秦門秦觀者望見長安秦松漢柏 泰山記始皇上恭

山封柏為五大夫館恭山南有廟種柏樹千株大者十五六圍

相傳云漢武所種探策 風俗通岱宗上有金篋玉策能知人

壽脩短漢武探策十八因倒讀曰八十其後果壽長八十山下

黃丸 列仙傳崔文子恭山人潛居山下作黃丸賣藥有疾

氣者飲藥即愈推琴而拜 列仙傳櫻丘君者恭山下道士漢

武東巡恭山乃擁琴而拜 鑿石為金 前秦錄處士張忠隱於

泰山巖棲谷飲修道養之法鑿石為金頭生白光 神仙傳泰

山下有老父者失其姓名漢武東遊見老父鉏于道間頭上生

白光 三宮洞天 茅君內傳仙家凡有三十六洞天岱宗之洞

周圍三千里名曰三宮空洞之天 金床玉几 馬明者齊國臨

淄人也本姓和字君賢為縣吏捕賊為所傷當時殆死良久忽

於道間見一女以肘後管中一丸藥大如小豆與明服之於是

即愈血絕瘡合隨神女還岱宗室中上下懸絕重巖深隱去地

千餘丈其中金床玉几乃人跡所不能至

華山 西嶽也在華州華陰縣名太極總仙洞天山高五千仞

有芙蓉明星玉女三峯蒼龍嶺黑龍潭白蓮池日月崖及仙掌

石月之勝池生千葉蓮花服之羽化因曰華山 華山對河東
首陽山黃河流於二山之間古語云此木一山當河河水過之
而曲行河神巨靈以手擘開其上以足踏離其下中分為兩以
通河流 華山有三峯上接三光中有石池二十八所上應二
十八宿 華山古文之敦物山也 明星玉女者居華山服玉
漿白日昇天祠前有五石白號曰玉女洗頭盆祠內有玉女馬
一匹其馬異常夜聞嘶駭之聲頂上隱者常見之

山神投壁

秦人鄭容為始皇使從關東來至華陰望見素車
白馬從山上下知其非人止而待之遂持壁與鄭容曰今年祖
龍死鄭容問其故忽不見

獵師見女

列仙傳毛女在華陰山

中山客獵師世世見之體生毛自言秦始皇宮人

神仙傳衛叔卿常乘虛駕白鹿見漢武帝將臣之叔卿不言
而去帝悔求得其子度世令追其父度世登華嶽見其父與數
人博於石上勅度世令還

谷駒紫狗

列仙傳呼子先者漢中

關下卜師壽百餘歲臨去呼酒家媪令急裝有仙人持二茅狗
來一與子先一與酒媪因各騎之乃龍也上華陰山

池有鐵舟

華山記王玄仲欲登蓮花峯約寺僧云到峯頂當起烟為信
翌日持火而登僧候之果有烟起留二旬乃下僧問之云峯頂
有池菡萏盛開其中又有破鐵舟存焉

石鼓

華山記山有靈

聞其鳴者神馬 有神馬自華山出帝令置內棧馬久不留令人尋之見在此山谷中石龕下故名藏馬谷藏馬龕東北澗中石上馬跡尚存焉素靈宮 馬周者在平人也汨沒風塵間沈湎於酒二十年袁天綱相其將死教之隨騎牛老叟入山叟顧見曰汝本素靈宮仙官今太華仙王召汝即引入宮闕有宣言責之者送別院中則姓名在焉五人立於前曰我皆先生五臟之神也先生酣酒流蕩濁辱於身我等久歸此矣但閉目將復於神室也周瞑目頃之忽覺心智明悟併憶前事二十年若旬日之間耳貞觀中累居大任一朝群仙降其室曰佐國功成可以退矣翌日無疾而終

仙傳拾遺

夢白頭翁

裴寂初貧每徒步

詣京經華岳廟祭而祝曰若富貴可期當降吉夢再拜而去夜夢白頭翁謂曰三十已後方可得志終當位極人巨耳請告官位 李靖困於貧賤因過華山廟訴於神且請告以官位所至出廟門百許步聞後大聲曰李僕射好去顧之不見人金天王 玄宗乙酉歲生以華岳當本命先天二年封華岳神為金天王采金富國 李林甫謂李適之曰華山生金可以富國顧上未之知適之從容為帝道之帝喜以問林甫對曰臣知之舊矣顧華山陛下本命王氣之舍不可以穿治故不敢以聞帝以林甫為愛已而薄適之拜山 東夷有識山者徧拜五嶽一拜而退望華山自開西門拜禮至山下仰望七日嘆咤而去謂京師衣

冠文物之盛由此而致語登落鴈峰李白登華山落鴈峰曰

此山最高呼吸之氣想通帝座矣恨不携謝朓驚人詩來搔首

問天登華山沈頰嘗讀李肇國史補韓文公登華嶽之巔顧視

其險絕恐慄度不可下乃發狂慟哭而欲絕遺書為訣且譏好

奇之過也如是沈子曰吁是不論文公之旨耶夫仲尼之悲憐

悲不在憐也墨翟之泣絲泣不在絲也且阮籍縱車於途窮輒

慟豈始慮不至耶蓋假事諷時致意於此爾前賢後賢道豈相

遠文公憤趨榮貪位者之若陟懸崖險不能止俾至身危踣蹶

然後嘆不知稅駕之時焉可及矣悲夫文公之旨微沈子幾晦

乎隱居詩話余觀退之贈張籍詩云洛邑得休告華山窮絕

陘悔狂已咋齒垂誠仍鐫銘則知肇記為信然沈頰為安辨也

嵩中嶽也在洛京王居縣名上帝司真洞天白虎通中

岳加高字者蓋山在四方之中而高故曰嵩高西征記嵩山

三十六峰東曰太室西曰少室相去七十里嵩其總名也謂之

室者下有石室也少室高八百六十丈上方千里與太室相將

但小耳漢武帝嘗於太室山中作登仙臺萬歲亭岳之西北

一峰號望都亭天氣晴暖即望見洛陽隱隱如車蓋之狀六帖

岳之東北一峰號鷄鳴峰五更初便見日出

嵩山嵩山之上王女擣帛石瑩澈光潔人莫能測岳下

人云立秋前一日中夜常聞杵聲

東龍門之南有許

由山高太四絕其北有頽水乃堯聘許由處猶有壇墀在焉

東岩授書

白龜年樂天子也一日於嵩山東岩下遇李白曰

吾與汝父皆仙矣出素書一軸授之曰讀此可辨九天禽語九

地歎言龜年一日過潞州二雀啾唧過州太守庭守曰彼何言

龜年曰言城西人家有粟可共食之驗之果然

宗欲封嵩山屬突厥叛而止童謠曰嵩山九幾層不畏登不得

但恐不得登三度徵兵馬傍道打騰騰

詔曰朕用事華山至于中岳獲駁鹿見夏后啓母石翌日登嵩

高御史乘屬車在廟旁吏卒咸聞呼萬歲者三登禮罔不答其

令祠官加增太室祠禁無伐其草木呂山下戶三百戶為之奉

邑名曰嵩高

嵩高山北有大穴莫測其深百姓歲

時每遊觀其上晉初嘗有一人誤墜穴中同輩冀其儻不死投

食於穴中墜者得之為尋穴而行計可十許日忽曠然見明又

有草屋中有二人對坐圍碁局下有一盃白飲墜者告以饑渴

碁者曰可飲此墜者飲之氣力十倍半年許乃出自蜀中歸洛

下問張華華曰此仙館所飲者玉漿也所食者龍穴石髓也

峻極下院登高頂入崇福宮會善寺由輾轅道至龍門遊廣愛

奉先諸寺上華嚴閣千佛岩尋高公堂渡潛溪入廣化寺觀唐

郭汾陽鉄像涉伊水至香山皇龕憩石樓臨八節灘過白公影

郭汾陽鉄像涉伊水至香山皇龕憩石樓臨八節灘過白公影

堂凡所經後多有詩公不喜肩輿山中亦乘馬路險策杖以行
故嵩山題字曰登山有道徐行則不困措足於平穩之地則不
跌其旨遠矣關見焦鍊師李白云嵩山有神人焦鍊師者不
知何許婦人也生於齊梁時其年頗可稱五六十常胎息絕穀
居無室廬遊行若飛倏忽萬里世或傳其入東海登蓬萊竟不
能測其往也

衡山

南岳也在衡州府衡山縣名朱陵太虛洞天 山有三

峯極秀一曰紫蓋每見雙白鶴回翔其上二白石菌下有石室
三曰芙蓉最為竦傑非清霽之朝不可見峰上有飛泉如一幅
練分映青林直注山下 六帖名條五岳位列三公說苑五岳

何以視三公能大布雲雨馬能大飲雲雨馬觸石而出膚寸而
合不崇朝而雨天下施德博大故視三公 公羊傳河海山川
有能濶乎百里者天子扶而祭之 寰宇記衡山盤繞八百里
有七十二峯十洞十五岩三十八泉二十五溪九潭九池九井
而峯之最大者五曰祝融紫蓋芙蓉石廩天柱 南岳文朱陵
之靈臺太虛之寶洞赤帝館其嶺祝融宅其陽 湘中記宿當
軫翼度應機衡故曰衡山山有錦石斐然成文 山海經衡山
俗名岫屢 埤雅鴻鴈南翔不過衡山衡山之旁有迴鴈峯或
曰峯勢如鴈之回故名 三禮義宗南岳謂之霍霍者護也言
陽氣用事盛夏之日護養萬物故以為稱

金簡玉字

吳越春秋禹傷父功不成乃東巡登衡山血白馬

以祭之仰天而嘯忽然而卧夢赤綉文衣男子自稱蒼水使者

謂曰欲得我山神書請齋於黃帝之嶽禹乃退齋三日祭委宛

山發石得金簡玉字之書言治水之要因刻石於山之高處

石困

晉書劉麟之好遊山澤採藥至衡山深入忘返見有一

澗水水南有二石困一開一閉水深不可過欲還失道遇伐弓

人問途僅得還家或說困中皆仙靈方藥麟之欲更尋終不復

知處執筆少年

湘東姚祖太元末為郡吏經衡山望岩下有

數年少並執筆在書祖謂是行侶休息乃枉道過之未至百許

步年少相與翻然飛颺

異

異人授術

申太芝嘗遊南岳遇異

人授金丹火龍之術天寶初奉詔祭羅浮道遇異人告以九疑

山舊有天樂一部歲久化五野猪郡人捕之又化五古器太芝

往來亦訪得之扣之音律相和謂其徒曰此必有異後二十年

當有應者及安祿山反形腊如豕俗謂猪龍嘗竊梨園樂部於

疑碧池上奏之時謂識驗六

願隱衡山

李泌畏禍願隱衡山

出於衡嶽寺讀書懶殘驚曰非凡人也中夜潛往謁焉殘發火

使林遠於藍關逆旅遇幽單騎常服言暫往衡山話三朝之舊

慘然久之而別遠到長安方聞其薨

家傳

雲師國虎

霍山南

嶽有雲師兩虎注雲師如蚕長六寸似兔兩虎如蝮長七八寸

似蛭雲雨之時出在石上肉甘可以熟而食之關山神水四鐘

武帝徙南岳之祭於廬江潛霍山之上無水廟有四鐘可受四

十斛至祭時水輒自滿用之足了事畢即空塵土樹葉莫之汗

也積五十歲歲作四祭後但作三祭一鐘自敗搜神山崩鐘出

廬江霍山數年來常有鐘聲十二潛設重壤帝將征關洛山崩

有六鐘自出制度合古式聲中律呂上有古文書一百六十字

常山 址嶽也在定州常山縣名太乙總玄洞天爾雅常山謂

之恒山五嶽圖恒山高三千九百丈上方三十里周回三千里

白虎通北方為常山者何陰終陽始其道常久故曰常山水經

恒山謂之玄岳 括地志北岳有五別名一曰蘭臺府二曰列

女宮三曰華陽宮四曰紫微宮五曰太乙宮或云大茂山 五

岳圖恒山上有太玄之泉神草十九種服之可度世 管子恒

山北臨代南俯趙東接河海之間早生而晚殺五穀之所蕃熟

四種五穫焉 唐太宗祭常山文惟靈山之秀時巨朔野而標

奇絕壁千尋孤峰萬仞桂花浸月松蘿挂雲幽澗冬暄飛泉夏

冷寶符臨代邦之羨靈蛇表陣勢之奇鑠石七年無以虧其大

舍波九載不能損其高巍巍乎與乾坤而永固隱隱乎橫古今

而不絕

歲時

趙簡子告諸子曰吾歲寶符於常山上往得者立為後 諸子皆競往無所得毋郵還矣曰常山臨代代可取也簡子曰

是知符矣乃廢太子伯魯而立毋卹為後晉慕容儁於常
山寺大樹根下得璧七十圭七十三光色精奇有異常玉以為
神岳之命以大牢祠之昌容列仙傳昌容者常山道士自稱
殷王女食蓬萊根往來山下見者二百餘年顏色如二十許人
神護神農本草常山有草名神護置之門上每夜叱人
海上三岳廣乘山者天之東岳也在東海之中為五岳發生
之首上有碧霞之闕瓊樹寒林紫雀翠鸞碧藕白橘莫可名狀
即青帝天君靈威仰統仙官兵吏萬眾鎮此山上主歲星之精
居九氣青天之內矣 長離山者天之南岳也在南海之中上
有朱宮絳闕赤室丹房朱草紅芝霞膏金醴莫可名狀應天下

初得道神仙皆詣此宮營形浴質肖陰煉陽為長生久視之道
即赤帝天君赤熛怒統領仙官兵吏萬眾鎮此山上主熒惑之
精居二氣丹天之內矣 麗農山者天之西岳也在西海之中
上有白華之闕三素之城玉泉之宮瑤林端歎莫可名狀即白
帝天君白招拒統領仙官兵吏鎮此山上主太白之精居七氣
素天之內矣 廣野山者天之北岳也在北海弱水之中形如
崑崙鄴都羅山合為陰氣之主上多瓊樓寶闕金液龍芝莫可
名狀即黑帝天君叶光紀統領仙官兵吏鎮此山上主辰星之
精五氣玄天之內矣 崑崙山者天之中岳也在八海之間上
當天心形如偃蓋上廣下狹三成而上與天齊日月黃赤二道

交會其上三光行焉東曰崑崙西曰玄圃北曰閻苑南曰積石
四面各一萬里上有瓊華之闕光碧之堂瑤池翠水即西王母
統衆仙居焉海中四岳為枝幹十洲四島八海大川圍繞其側
絕頂之上有金臺五所玉樓十二金城千里地生金根之樹瓊
柯瑤林紫雀翠鸞碧桃白李百實妙岩莫可紀述即黃帝天君
含樞紐統領天大聖衆鎮此山皆與五岳名山相連常有神仙
往來考校生籍上主鎮星之精居於中元一氣天中焉其海外
之五岳即五氣之宗祖矣雲笈七籤

羊飛山

在夔州府昔有人學道於此常養一羊忽一日戒童子
勿放羊童子放之一羊冲天而去鳥鵲山海經大翻

山小翻山有玉仲廟仲字次仲秦始皇時宴蒼頡着文為今
書帝使使徵之不至始皇大怒檻車迫之次仲化為大鳥出于
車外翻然高翔至於西門山落二翻因名鳥翻山東嶽大
同府有紇真山紇真胡語猶華言千里也其山冬夏積雪故諺
曰紇真山頭凍殺雀何不飛去生處樂荆山荆山在襄陽
府又鳳陽府亦有此山山東有卞和洞上有抱玉岩又名抱璞
岩唐胡曾詩抱玉岩前桂葉稠碧溪寒水至今流空山落日猿
聲急疑是荆人哭未休真山在成都府昔有兩金鵝浴于
井人欲捕之遂飛上南山化為雙石對峙若西嶽安
安吉州南有五峯山昔鄉人姚綫採薪見二人共觀之稍久二

人曰汝可還家今日為汝祥矣紛還家目入壙中隱身謂家人曰可七日勿開未至七日家人誤開紛化為白鶴飛上五山

王女

蜀本記秦王獻五義女于蜀王蜀王遣五丁迎五女

見大蛇入山穴中五丁引蛇山崩五女上山化為石

夷堅志漢陸賈使南越尉佗與之泛舟于錦石山下賈默禱曰

我若說王稱臣當以錦裹石為山靈報使還募人植花卉于山

以代錦後人因立庙祀之宋乾道中梁竑入都艤舟石下夜夢

一客自稱陸大夫云我抑鬱于此千餘歲矣君幸見臨願留一

詩竑題詩于壁而去

在襄陽竹山縣昔有邑人徐元

周積粟于此救餓鄉人德之故名

公弟承公遊此獲仙梨食之成仙故名

一峯泛海而來附于羅山其峯之秀者曰飛雲玉鵝會仙會真

錦綉玳瑁洞之幽者曰金沙石臼朱陵朱明黃龍黃猿蝴蝶又

有跳魚石伏虎石阿耨池夜樂池花首臺龍公竹皆山之奇勝

唐顏真卿早年典郡江南遇道士陶八八授與一刀圭碧霞丹

令服之約他日相待于羅浮山後真卿為盧杞所陷令單車問

罪于李希烈至汜水忽逢陶笑謂曰吉吉遂指嵩少而去真卿

去汴洲希烈僭號使人害公于近郊及希烈敗詔歸樊偃師後

商人至羅浮忽見兩道人樹下圍棋一道士笑曰寄一書達吾

家題寄偃師北山顏家商人至詢所居則瑩庄也

驚曰此先太師親翰也子孫擇日設塚即已空矣經往羅浮尋之竟無跡

小酉山

荆州記小酉山石穴中有書千卷

射的山

在會稽遠望如射侯士人以暗占米價諺云射的白

斛一百射的玄斛一千

浮來山

在廬州相傳自海上浮來昔

有梵僧過而指之曰此耆闍一峯也梁武帝女為尼曾于此山

建道林寺

蠟眉山

兩山對如蛾眉故名字當從虫不當從山

武夷山

在福建崇安縣周圍百餘里嘗有神降于此自稱武

夷君又列仙傳錢鏗二子長曰武次曰夷因以為名秦始皇二

年八月十五日武夷君置酒餽會鄉人于此建幔亭綵屋設寶

帳施紅雲紫霞褥味鄉人為曾孫宋白玉蟾詩人間幾度曾孫

老惟有青山自古今

爛柯山

在衢州晉樵者王質入山見二

童子圍棋質置斧於坐觀之童子與質一物如棗核食之不饑

局終童子指示之曰汝斧柯已爛矣質歸已及百年無復時人

矣四明山

有石窟四穴通日月星辰之光故曰四明秦時驅

山塞海鬼神勞役奔入四明洞不出因名鬼藏山

孤雲兩角

諺云孤雲兩角去天一握淮陰侯廟在焉昔韓信亡去蕭何追

及於茲山王仁裕題詩云孤雲不掩興亡策兩角曾懸去住心

玉堂

石鏡山

臨安石鏡山東峰有圓石徑二尺七寸其光如

鑑吳越王錢鏐布衣時嘗照此鏡顧其形服皆冠冕如王者狀

寰宇

天中山

豫州天地之中而汝南又為豫州之中汝寧北

三里山名天中一名天臺自古測影植圭莫準於此

浮岳

在始興山躡一處則百餘步動若在水也因名浮岳山

會稽

禹上苗山大會計爵有德封有功因而更名苗山曰會

稽山下有禹庙庙有聖姑像禮樂緯云禹治水旱天賜神女聖

姑即其像也山上有禹冢有鳥來為之耘春拔草根秋啄其穢

山東有井深不見底東游者多探其穴

廬山

匡俗字子孝周

武王時人生而神靈廬於此山後仙化空廬尚存世稱廬君故

號廬山記廬山頂上一池水中有三石鴈霜落則飛山北有五

老峰於廬山最為峻極橫隱蒼穹其形勢如河中虞卿縣前五

老之形故名之

潯陽

巨鰲戴山

渤海之東有大壑中有五山

岱輿員嶠方壺瀛洲蓬萊臺觀皆金石所居之人皆仙聖之種

五山之根無所連著帝恐流於西極使巨鰲十五戴之

少太行王屋二山方七百里高萬仞愚公且九十面山居惡

此山將移之帝感其誠命夸娥氏二子負山一措朔東一措雍

南

碑峴山

羊祜與從事鄒潤甫登峴山垂泣曰自有宇宙

便有此山由來賢達勝士登此遠望者多矣皆湮滅無聞潤甫

曰明公德冠四海道嗣前哲令聞令望當與此山俱傳後人為

立庙及碑

遊山題名

章子厚與蘇子瞻遊南山抵仙遊潭之

上絕壁萬仞岸甚險子厚推子瞻下潭書壁子瞻不敢子厚履

險而下以漆墨濡筆大書石壁上曰蘇軾章惇來子瞻撫子厚背曰子厚必能殺人子厚曰何也子瞻曰能自判命者能殺人子厚大笑天下名山八五在中國泰山華山少室太室首陽三在外夷太華險絕峨眉神奇武當偉麗天臺幽邃鴈宕武夷工巧桂林空洞衡岳挺秀終南曠蕩太行逶迤三峽峭削金山孤絕武林西山借土木之助太岱匡廬在伯仲之間北岳不及崧高五臺勝於王屋鴈宕無水武夷可舟望遠則峨眉登高則太華

石 博物志地以石為之骨 山體曰石山多大石曰岩岩學也大石之形學學然山多小石曰礫礫堯也每石堯堯獨

處而出見也礫小石也什磊衆石也礪文石也說琅玕石似珠也注砥砭石似玉也廣水洙為浮石推扑石解散曰礪周禮大司寇以嘉石平罷民有罪者坐諸嘉石以肺石達窮民凡榮獨老幼之欲復於上而未達者立於肺石注嘉石文石也肺石赤石也 石又名雲根古詩點點布雲根森森散雨足蓋雲生於石故名 物理論土精為石石氣之核也氣之生石猶人筋絡之生爪牙也 周易艮為山為小石石陰中之陽陽中之陰陰精補陽故山舍石春秋燒泥為尾燔木為炭蜂窠為蠟水沫為石凡此皆其柔脆變為堅剛又曰磁石引針推扑隕石子宋五隕星也左泗濱浮磬注水中見石可以為磬書厥貢惟石

禹貢石韞玉而山輝攷中流洲在西海中上多積石名為昆吾

石治成鐵在劍光明洞照如水精狀割玉物如切泥土十洲記

音石負而長所以澄水不濁用之煮茶石在丁之下口象形

說文石言於晉魏掄晉候問於師曠曰石何故言對曰

石不能言或憑焉不然民聽濫也抑臣又聞之曰作事不時恐

譖動小民則有非言之物而言左齊桓公宋之愚人得燕石

而歲之以為室周客聞而觀焉主人齋七日端冕玄服以設室

革置千重緹巾十龍零見之掩口而笑曰此燕石也其與瓦甃

不殊荀子與石楚熊渠子夜行見寢石以為伏虎彎弓而射

之沒金飲羽下視知其石也因復射之矢摧無迹李廣後周

李遠陵之後嘗獵沙柵見石以為伏兔射之鏃入寸餘周文異

之鑽石作槁秦始皇作石槨欲過海者日出處有神人能駭

石下海石去不速神輒鞭之石皆流以謂林石唐陸龜蒙世

居姑蘇問南軍石遠祖積仕吳為鬱林太守罷歸無裝舟輕不

可越海取石為重人稱其廉號鬱林石石鼓相魚晉武帝時

吳郡臨平岸崩出一石鼓打之無聲以問張華華曰可取蜀中

桐材刻作魚形叩之則鳴於是如言聲聞十里中書丞石薛

元超道衡孫也為中書舍人中書省一盤石初道衡為內史侍

郎常踞而草制元超再見此石未嘗不泫然流涕醉石陶淵

明所居栗里有大石淵明嘗醉其上名曰醉石醒酒石李德

格於平泉別墅採天下珍木惟石為園池之玩有醒酒石德裕
尤所寶惜醉則踞之 德裕戒子孫曰嘗聞平泉者非吾子孫也
以一樹一石與人者非佳子弟也 唐莊宗時張全義為大帥
尚書令無四鎮節度有監軍嘗得平泉醒酒石德裕孫延古託
全義復求之監軍忿然曰自黃巢亂後洛陽園宅無復能守豈
獨平泉一石哉全義嘗在賊巢中以為譏已大怒答殺之云又
石 弘成子有人殺文石吞之遂為通儒後成子病吐出文石
以授五鹿充宗又為名學**支機石** 有人尋河源見婦人浣沙
乃與一石歸問於君平曰此織女支機石 **神異** **洛星石** 星墜
水為石在彭蠡澤中**康平石** 回紇拔野古有康平河斷於拔

之三年化為石色蒼節理猶在 **孔帖** **松風石** 武宗時夫餘國
貢松風石方一丈中有枯松盛夏颯颯涼颼生於其間 **杜陽人**
化石 曹煥遊高山遇老劉道士盤礴石上未嘗與人語謂煥
曰我與汝以某年月日同集神清洞我當以某日化為石復坐
不語後果化於石上謂之三生石 **他** **武昌山北一貞婦送其**
夫後役至此山立望其夫死化為石謂之望夫石 **神異** **靈壁石**
政和間建良嶽異花奇石來自東南不可名狀忽靈壁縣貢一
巨石高二十餘尺周圍稱是并載至京師毀水門樓以八千夫
舁之不動或啓于上云此神物也宜表異之裕陵親灑宸翰云
慶雲萬態奇峯仍以金帶一條掛其上遂即可移省夫半頃刻

至苑中

揮塵錄

三石見夢

金陵有三大石甚古吳仲英作守日

夜夢三舉子求哀且曰若不垂祐明日當為煨燼矣公甚異之

詰旦徧問僚屬莫能原其意既而視其牒見兵馬司狀申乞燒

三醜石為灰供脩造之用公遂悟敕寺僧愛護元祐中毛漸作

漕欲移置解舍掘之極深而石根不斷不能動遂罷揚公錄**拜奇**

石 米芾好奇知無為軍初八州解見立石頗奇喜曰此是以

當吾拜遂命取袍笏拜之每呼曰石丈為言者所彈石林燕語**甲乙**

石 牛僧孺封奇章公好蓄奇石以甲乙丙丁為號**石屏**

石屏出零陽白鶴山屈處靜占外之所紹興壬午間有宗子邑

居一日艤舟山下於水中得一石光采絢異其紋若峰巒嵒秀

渾然天成自是石工鑿取益衆煙雲雪月之景波瀾龍鳳之象

隱然可觀大者方廣可四五尺雖巧畫者莫臻其妙零陵志**越王**

石 虞愿為晉安太守海邊有越王石常隱雲霧清廡守乃得

見愿就視無隱天官磁石 晉馬隆征羌虜夾道累磁石賊負

鐵鎧行不得前大戰破之**啓母石** 禹娶塗山治洪水化為熊

謂塗山氏曰欲餉聞鼓聲乃來禹趾石誤中鼓塗山氏往見禹

在熊慙而去至嵩高山下化為石方生**拋空石** 唐中宗廢

為廬陵王仰天而嘆拋一石於空祝曰我復帝此石不落其石

遂掛樹枝錢倉石 鄱陽記錢倉石在饒州石形如倉困昔漁

人夜宿石上忽見石開窺其中有錢取之盈艇因名錢倉**龜背**

石 贛州有石圓如龜項背皆具人謂之龜背石彷彿八卦形象逐月隨斗杓旋轉土人疑其旌移置他所翌日復歸其處人因祀之 **化女石** 幽明錄陽羨縣小吏吳龕嘗於溪邊見五色浮石因取納林頭至夜化成女子 **石移** 宋史福清石竹山有大石自移石方九尺所過成蹊 寶曆元年資陽縣山有大石忽然孔踴下山越澗却上坡可百步其石走時有鋤禾人見之趕至止所其石高二丈 晉惠永寧中湖熟縣湖中有大石去渚二百步浮來登岸百姓驚觀曰石來明年石水入揚州 丹陽記 **鷄鳴石** 夷堅續志分寧陳南山莊有樵藁石陳夜步月忽聞鷄鳴於石上視之不見移石於數步外至次宿鳴如故復携石

以歸置之月下鷄必鳴其子剖之中有雌雄二鷄 **鵲噪石** 夷堅續志南宋宮中有靈鵲石石中有鵲每天將明聞其噪聲 **鵲** **飛石** 常侍崔元亮在洛中嘗間步涉岸得一石子大如鷄卵黑潤可愛翫之行一里劃然而破有鳥大如巧婦飛去 酉陽仙 **鏡石** 六帖月林國西南有恠石方數百里光明澄徹可鑑人五臟六腑謂之仙人鏡國人有疾照之 **石鯨** 西京雜記漢武昆明池養魚往往飛去後刻石為鯨魚置水中魚乃不飛每雷雨鯨嘗鳴吼 **石狗** 郡國志宋武北伐南燕至吠狗山夜聞狗吠明日視之見石狗焉 **馬肝石** 元鼎間鄧支國 一作貢馬肝 石百升以之拭髮白者皆黑帝坐群臣於甘泉殿有白髮者以

此石拭之應手皆黑是時公卿語曰不願作方伯惟願拭肝石

孝子石 隗相性至孝母每食須江水相冬夏汲之一朝有橫

石生正流中目之以汲號孝子石相字叔通熹道入哀帝時舉

孝廉平帝時為郎蜀**燃石** 豫章有石以水灌之便熱加鼎於

上炊足以熟冷則灑之雷煥以問張華華曰燃石也**隨流石**

石季龍立河橋於雲昌津石無大小輒隨流用工五百餘萬不

成遣使致祭沈璧於河所沈璧流于渚上地震水波騰上津所

樓殿傾壞壓死者百餘人**浮水石** 赫連勃勃時有青石大如

馬頭浮水上逆流而行群臣咸賀以為石者沈物浮水自出之

義而上行荆吳入朝之象勃勃大悅**楊樹石** 後周宣帝時永

州得白石剖而為兩段中有楊樹之形黃根紫葉**釣臺石** 大業

七年初造釣臺兵丁困弊於役嗟嘆之聲聞於道路時連石者

將船至江東岸山下取石累構為釣臺之基忽有大石如牛十

餘自山頂飛下直入船內如人安置船無傷損**平陸石** 天寶

初李齊物為陝州刺史開砥柱之險堅石中得古鐵犁鏵有平

陸字因改河北縣為平陸縣**縮石** 天復中洪州實石長八尺

圍三尺餘青碧如玉七日之內稍小長三尺數日長尺餘今只

有七八寸錄異**長石** 于季友為利州刺史時臨江有一寺寺

前漁釣所聚有漁子下網舉之覺重壞網視之有一石如拳因

乞寺僧置于佛殿中石遂長不已經年重四十斤西**龍精石**

丁謂有小山高才數寸又倉翠嵌空盛夏常設盆水置小山其中
一日張宴有客掬水洒之須臾雲霧自竅中出有光如電細視
之蜿蜒小龍如線掛雲霧中已而莫知所之衆客驚異謂曰此
龍精石也龍交海上流精于石**未石** 朝議李玠好奇有異石
高二尺許嵌空可愛常置庭檻間每至日方未時即有氣出石
穴中若烟雲之狀候之萬不差一目之為**未石** 杜綰字
季揚行之孫也曾獲黃河水中國青石大如栢作鎮紙經宿連
簡冊輒濕後以器貯之凡移時有水浸潤一日忽墮地破而為
三四段有小魚一枚纔寸許跳躑頃刻即死**貞婦石** 魏道有
貞婦夫沒無子事姑甚孝抑而嫁竟不從後身沒其居室有大

石湧出號為**貞婦石****協金石** 有人得青石大如礪有鼻穿鐵
索長數丈循環無斷處海商見之以數十千易之云此協金石
垂于海中經夕引出上有金**龍石** 有人曾畜一石胡人以
十萬購之其人與之而詰其異胡人令取盆水置石其中視之
有一馬現石中狀如飛動其人問其所用曰此龍駒石也以水
浸之飲馬馬輒生龍駒無價寶也**女觀石** 南陵縣有女觀山
俗傳云昔有婦人夫官於蜀屢愆期憂思感傷登此騁望因化
為石如人之形所牽狗亦化為石今狗形獨存**支鼎石** 辰州
東有三山鼎足直上各高數十丈古語云夸父與日競走至此
煮飯此三山者夸父支鼎石也朝野**斬石人** 光武夜至趙州

南迷路聞人語問之弗應見二人立傍怒拔劍斬之其一急走
熟視之乃石也趙州志**賜石鴈**揚弘裕河朔人一日出郊有使

人自北馳來問子非揚弘裕乎北岳賜汝物可跪受之使者懷
中探一物若帛裹者裕歸焚香啓之得二石鴈一雄一雌左翅

掩右者雌也後生一男一女男名廷璋周朝為飛龍使女為周

太祖妃石在**石**石在九州寺中高七尺九子悉附于石體

傳云浮海而至士庶禱祀求子多驗交州記**足蹶大石**唐李士

業討勃律通道葱嶺有大石塞隘以足蹶大石抵穹壑入以為

至誠所感史**流石有字**建炎三年鼎州巨石隨大水流下有

字曰無為大道天知人情無為冥窈神見人形心言意語鬼聞

人聲犯禁滿盈地收人祀**石廩**臨川記石廩狀似倉廩其內

可容千斛廩口開則歲儉閉則年豐**益石**汶山有益石煎之

得益華陽國志

水元命苞水者天地之包幕五行之始焉萬物之所由生

而載地者也元氣之津液也黃帝書天在地外水在天外水浮天

乎地中淮南子天下之物莫柔弱於水然而大不可極深不

可測脩極於無窮遠淪於無涯息耗咸益通於不貲上天則為

雨露下地則為潤澤萬物不得生百事不得不成大包群生

而無所私澤及蚊虻而不求報富贍天下而不既德施百姓而

不費行而不可得窮極也微而不可得把握也擊之無創刺之
不傷斬之不斷焚之不然動溶無行之域而翱翔忽區之上遭
回川谷之間而滔騰大荒之野無所私而無所公靡濫振蕩與
天地頤洞無所左而無所右蟠委錯紛與萬物始終是謂至德
也 說文水準也北方之行象衆水並流中有微陽之氣也徐
曰衆屈為水至柔能攻堅故一其內也 孔子曰夫水徧與諸
生而無為也似德其流也卑下倨句必循其理似義浩浩乎不
屈似有道其赴萬仞之谷不懼似勇主量必平似法盈不求概
似正綿弱微達似察出入就潔似善發源必東似志是以君子
見大水必觀焉 孫卿子 孔子曰夫水者君子比德焉遍子而無私

似德有所及者生似仁淺者流行深者不測似知受惡不讓似
包蒙不清以入鮮潔以出似善化 說苑 夫智者何以樂於水也
曰夫水者緣理而行不遺小間似有智者動而下之似有禮者
蹈深不疑似有勇者障防而清似知命者歷險致遠卒成不毀
似有德者天地有成群物以生國家以寧萬事以平品物以正
此智者所以樂於水也 韓詩外傳 得之則生失之則死其似有德者淑
淑淵淵深不可測其似聖者 說苑 顧夷子與子華游於東池子華
曰水有四德沐浴群生澤流萬世仁也揚清激濁去滓除穢義
也柔而難犯弱而難勝勇也導江流河變盈流謙知也 顧子准
南子曰積陰之氣水水神曰天吳亦曰馮夷波神曰陽侯濤神

曰靈胥 土地各以類生人清水音小濁水音大湍水入輕遲
水人重 學記水無當於五色五色不得不彰 尸子凡水方
折者有玉圓折者有珠清水有黃金龍淵有玉英 水中可居
者曰洲凡水邊皆曰垂曰涯曰畔曰干曰濱曰濱涯上下坦曰
澹一曰隳重涯曰岸岸上地曰許曲涯曰澳一曰隈水草交曰
湄禪增水邊土人所止曰澁水曲曰汭水址曰陽水南曰陰水
出山石間曰澗山夾水曰澗水澗川曰谿水注谿曰谷水通谷
曰壑水所鍾曰澤廣澤曰行澤曲曰臯水通流曰川水本曰源
源曰泉泉正出曰濫泉側出曰洸泉所出同所歸異曰肥泉異
出同流曰瀆深水曰潭惡水曰流砂石上曰瀨曰湍曰灘曰磧

水別流曰派大水有小口別通曰浦風吹水涌曰波亦曰浪大
波曰濤小波曰淪平波曰瀾直波曰湮風行水成文曰漣水波
如錦文曰漪逆流而上曰汧回順流而下曰汧游亦曰汧流

深永如絲

醴陵縣學前有深水湧出自地如絲如霧用白器

入水酌而澄之其色深綠可以書字每出則其年登科者必多讓

水 范栢年漢中人嘗謁宋明帝言汝及廣州貪泉因問栢年

卿州中復有此水不答曰臣州中惟有文川武鄉廉泉讓水又
問卿宅在何處曰居廉讓之間帝善其對 **漏水** 齊書荊州
城內有坎池常漏水蕭穎胄為長史水乃不漏及穎胄亡乃復
竭 博物志庭州灑水以金銀鐵器承之皆漏唯承以韮葉則

不漏禁水

抱朴子左慈能以氣禁水水為之逆流一二丈禁

水置庭中露之即大寒不水**龍水**

述征記梁鄒城西有龍水

相傳齊孝婦誠感神明涌泉發於室內潛以績籠覆之由是無

釜汲之勞家人疑之時其出而搜其室試發此籠而泉遂涌流

漂居宇故名**籠水****竹王水**

漢武時有竹王興於遯水有一女

子浣於水濱有三節大竹流於女子足間推之不去聞有聲持

破之得一男兒遂雄夷濮氏竹為姓所損破竹於野成林王祠

竹林是也王蠻從人止大石上命作羨從者白無水王以劍擊

石出水今竹王水是也**谷水清**

唐書新豐鸚鵡谷水清世傳

谷水清天下平述征記臨淄牛山下有女水齊人諺世治則女

水清世亂則女水竭故慕容超時乾涸彌載及宋武北征乃激

洪流丹水

國史異纂懷州北有丹水其源出長平山傳云秦

殺趙卒其水變赤因以為名**置水**

唐書孔若思常謂人曰

仕至中郎足矣及遷庫部郎乃置一石止水於坐右示止足之

意聖水

唐書寶曆三年亳州言出聖水飲之者愈疾李德裕

奏曰臣訪聞此水本因妖僧誑惑昔具時有聖水宋齊有聖火

事皆妖妄古人所非乞下本道觀察使令狐楚速令填塞以絕

妖源從之水

李德裕喜飲常州惠山泉自毗陵至京置逆

鋪號水逆有僧謁曰為相公通常山水脉京師一眼井與惠山

寺泉脉相通李大笑乃以惠山一甕昊天一甕

一眼井在雜以

八瓶都十瓶遣僧辨析僧取惠山與昊天餘八乃同味李奇之停其水適水變方醪 宣皇在藩時常從駕墮馬雪中寒甚

因渴求水於巡警者曰我光王也及以水進舉杯悉變為芳醪

六時水

蜀青城有巡慶宮西有常道觀其南有六時水六時

洒水以代漏刻於陽時即洒然而下陰時即無晝夜九六時洒

水故名六時水

方輿記

壓水

秦李冰為蜀守以岷山通江為

四瀆之首水或為患乃作三石人以止江水作三石牛以壓水

惟分為三十六江以資灌溉由是人無水旱之患號為陸海蜀

人德之爭水

陽安令趙規與朗陵太守黃萌爭水規割指詛

曰隨血所流入陽安界萌怒殺規小吏王朔復刺殺萌朗陵官

屬又殺朔民於京山上為朔作祠壇每旦輒往祈禱汝南先賢

漢時永昌郡不韋縣有禁水水有毒氣唯十一月十二月差可

渡自正月至十月迺之無不害人其氣中有惡物不見其形其

作有聲如有所以投擊中木則折中人則害土俗號為鬼彈故

郡有罪人徙之禁防不過十月皆死也貢水 長安縣貢土萬

年縣貢水補書 王玄芝夜見一道士因隨之行在西江

水底月光中不見泥沙水隨自開路傍一物如龍又如蛇長十

丈許道士曰此水母也見者長生神仙傳 宋紹興十翠樂

平水闔有司奏曰河衝里田水中類為吸聚勢高平地幾尺不

假隄防而水自行里南陳氏家井水溢亦高幾尺大橋如長虹

聲如雷穿墻毀壁且前且却約十餘刻乃止

類苑叢寶卷之五

類苑叢寶卷之六

地道門

海

博物志天地四方皆與海水相通地在其中蓋無幾也

四海之外皆復有海東海之別有渤海溟海真海通謂

之滄海南海之別有漲海西海之別有蒲昌海蒲類海青海鹿

渾海陽池海北海之別有瀚海瀚海之南有渤鞞海伊連海九四

海通謂之裨海裨海外復有大瀛海環之 又海曰朝夕池曰

天池曰大壑海神曰海若 釋名海晦也主承穢濁其水黑如

晦也老子江海所以能為百谷王者以其善下之也 揚子百

川學海而至於海 孫卿子海受露霧故能成其深 列子渤

海之東有大壑焉實惟無底之谷名曰歸墟八紘九野之水天
漢之流莫不注之而無增無減焉注歸墟即尾閭也百川之下
故稱尾聚族之處故稱閭也 莊子天下之水莫大於海萬川
歸之不知何時止而不盈尾閭泄之不知何時已而不虛 濱
海之人遠望海水似高於地而有如岸焉蓋水氣也故隋煬帝
望海詩遠水翻如岸遙山倒似雲 杜陽編南昌國有紫海水
色如爛椹可以染衣其魚鱉沙石草木無不紫者 又十洲記
東有碧海廣狹與東海等水不鹹苦正碧色

乘桴浮海

孔子曰道不行乘桴浮于海 風俗通姜肱字伯
淮靈帝徵為太守肱告人曰吾以虛獲實蘊藉聲價盛明之際

尚不委質今政在私門夫何為哉遂乘桴浮於海莫知其極
唐讓皇帝穆宗親兄不為太后所愛故穆宗越次而立讓皇帝
不肯臣穆宗遂造船入海不知其處臨入海時留語四句今刻
在玉碑上云小山壓大山大山全無氣羞見本邦人將身投外
裔 **海島仙** 徐福字君房秦始皇遣福及童男女二千人入
海尋神仙不返唐開元中有人於海中見之 **精衛填海** 發鳩
之山有鳥名曰精衛是炎帝之女往遊于東海溺而不反是故
精衛常取西山之木石以填東海 **祝乾海** 葉靜能自白
衣老父泣拜曰職在小海胡僧術成來唱水海水十酒七八靜
能使朱衣人執黃符往投之海水復舊老父乃龍也 **風飄**

海船 嘉祐中蘇州崑山縣海上有一船桅折風飄抵岸船中
有三十餘人衣冠如唐人見人皆慟哭語言不可曉試令書字
字亦不可讀自出一書亦人乃唐天授中告勅屯羅島首領陪
戎副尉制又有一書乃是上高麗表亦稱屯羅島皆用漢字蓋
東夷之臣屬高麗者時贊善大夫韓正彥知崑山縣事召其人
摘以酒食食罷以手捧首而輟意若驩感正彥使人為治其稅
桅舊植船木上不可動工人為之造轉軸教其起倒之法其人
又喜復捧首輟筆談 **然海** 流波山下有然海千里民汲之以
代油光明過於油數倍秦始皇使人汎千艘往山中取命草
舟人不知水性夜以燭跋投水中火大發遍海巡燒火光接天

千里一色無一人還者自此無人敢操舟入惟於海畔汲用而

已漂乘 **治海**

說苑齊景公遊海上而樂之六月不歸告左右

曰敢言先歸者死顏蠋進曰君樂治海不樂治國彼若有治國

者君安能樂此海乎遂歸 **海風** 管寧避地遼東過海遇

風船人危懼皆悔過寧思惟咎愆念昔年嘗如則不冠而已向

天叩頭風亦尋息 張霸字伯饒永元中為會稽太守入海捕

賊遭疾風晦冥波水湧起士卒驚白霸霸曰無得恐太守奉法

追賊風必不為害頃臾風靜波止 陳茂嘗為交趾別駕嘗刺

史村部不渡漲海刺史周敞涉海遇風船欲覆茂拔劍訶罵

水神風即止息 五代史段希堯使吳越過海遭大風左右皆

恐怖希堯曰吾平生不欺汝等恃吾可無恐也已而風止談
賓錄歸崇敬充新羅冊立使至海中濤波迅急舟船壞漏眾咸
驚駭舟人請以小舟載崇敬曰舟人凡數十百我何忍獨濟哉
少選風息海人李仲游知同安縣日有人泛舟交易外國經
歲始還云為大風飄至一島嶼時月正明見十數人自海連臂
而出登嶼笑語語不可解體貌與人無異但裸形耳舟人鳴鑼
鼓以駭之復連臂大笑入海而去近嶼人云此名海人室在嶼
下舟遇海鯨趙忠簡公鼎謫朱崖自雷州浮海而南越三日
方張帆早行風力甚勁顧見洪濤間紅旗靡靡相逐而下極目
不斷疑為海寇或外國兵甲呼問舟人舟人搖手令勿語越怖

之色可掬急入舟被髮持刃出蓬背立割其舌出血滴水成
使臣使閉目坐船內九經兩時頃聞舟人相呼曰更生更生乃
言曰朝來所見蓋巨鯨也平生未嘗觀所謂旗者海鯨耳夷堅
賦不道盜木華作海賊張融又作海賊以示徐觀之曰公此
賦宗起玄虛但不道盜耳即曰滄沙排白熬波出素積雪中春
飛霜暑路三海釋鑑真唐陵人日本國有沙門崇敬等東來
募法真許往俄漂入蛇海又入魚海復入鳥海既出泊一島池
且沙澄人飲甘美相次達于日本高僧傳海井一萃亭市有一物
如水桶而無底非金石竹木所製久未有知其名與所用者一
日有海船老商見之驚喜撫玩扣其所直其人謾索五百緡商

即以三百償之其人因問之商曰此至寶也名曰海非凡航海
必須以淡水自隨今但以大器滿貯海水置此并于水中汲之
皆甘泉矣癸辛雜志海而登州府四面皆海春夏時遙見水面有
城郭市肆人馬往來若交易狀土人謂之海市蘇東坡云予聞
登州海市舊矣常以不見為恨乃禱於海神廟明日果見之
朝曰潮父曰汐說文月精生水故月盛則潮大抱升天
潮 河入地下與海水合天轉之激成潮同海鱈出入之候
山海經水者地之血脉隨氣進退論衡高麗圖經云潮汐往來應
期不爽為天地之至信古人嘗論之在山海經以為海鱈出入
之度溥屠書以為神龍之變化竇叔蒙海嶠志以為水隨月之

盈虧盧肇海潮賦以謂日出于海衝擊而成王充論衡以為水
者地之血脉隨氣進退率未之尽大抵天包水水承地而一尤
之氣升降於大空之中地乘水力以自持且與元氣升降互為
抑揚而人不覺亦猶坐於舟中而不知舟之自運也方其氣升
而地沉則海水溢上而為潮及其氣降而地浮則海水縮而為
汐臨安志抱朴子潮者言朝來也汐者言夕至也一月之間天再
東再西故潮水再大再小也又夏時日居西宿陰消陽盛而天
高一萬五千里故夏潮大也冬時日居北宿陰盛陽消而天卑
一萬五千里故冬潮小也春時日居東宿天高一萬五千里故
春潮漸起也秋時日居西宿而天卑一萬五千里故秋潮漸減

也又曰天河從北極分為兩條至於南極其一經南斗中過其一經東斗中過兩河隨天轉入地過而下水相得又與海水合三水相蕩而天轉之故激湧而成潮 嶺外錄異欽廉之潮朔望則大謂之先水日止一潮謂之小水瓊海之潮半月東流半月西流不繫月之盛衰 早潮下晚潮上兩水相合謂之沓潮

白馬潮頭 臨安志伍子胥死戒其子曰投吾於江中吾當朝暮乘潮以觀吳之敗自是海門山潮頭洶湧高數百尺或有見其乘素車白馬在潮頭者強弩射潮 吳越王錢鏐始築捍海塘潮勢衝激版等不就因命強弩數百以射潮頭又數禱於胥山祠遂成堤岸海潮不至 端宗 亥元伯顏軍皋亭范文肅

營浙江沙濟太皇太后望祝曰海若有靈當使波濤大作一洗空之而海潮三日不至及禱興已卯張弘範進攻崖山欲退師少林而是日海潮不退勢難迴却盡日力戰帝及陸秀夫皆溺

潮至深橋 宋紹興八年八月觀潮前二夕江干民間空中語曰當死於橋下者數百皆不孝之人次夜橋畔人夢有一人來戒云來日勿登橋隣橋數家夢皆同次日觀潮橋上人皆滿得夢者見有親戚在橋急勸使去人以為妖妄不信須臾潮至驚濤壞橋壓溺死數百人訪其死者固皆不逞輩西潮 **女廟**

吳山下有溪名吳山灣昔吳王送女至此有潮高三尺倒流七十里名吳王送女潮 **聖水巖** 桂林府聖水巖子時潮上午

時潮落三五十年有一大潮廣西尹公廟尹公廟若溪在餘杭文岸

多茗花因得名古有尹公者有異術鄉人有姦女尹公求之不
得叱水成潮以溺其居至今日暮則風生水長數寸號為尹公

潮

河

說文河者下也隨地下流而通也河神曰水夷亦曰無

夷即馮夷也馮夷以八月上庚日渡河溺死天帝署為

河伯又博物志馮夷漢鄉人得僊道化為河伯 穆天子傳河

與江淮濟為四瀆河者四瀆之所宗也 說苑四瀆何以視諸

侯能蕩滌垢汚焉能道百川於海焉能出雲雨千里焉為施甚

大故視諸侯 孝經授神契黃河者水之伯上應天漢 名山

記古今河源之說異焉貞云導河自積石未窮其源也張騫云

河有兩源一出于闐一出葱嶺唐薛元鼎云得河源於崑崙之

水赤黃黑青色以方異穆天子傳陽紆之山河伯所居是惟河

宗 吐蕃西鄙有泉百餘竇地方七八十里皆沮洳不勝人跡

泉不可逼觀登其旁嶺下視竇歷歷如列星然故名火敦腦兒

火敦者漢言星宿也腦兒者海也星宿海合流而東匯為二澤

復合流始名黃河或云黃河與天通又云崑崙去嵩高五萬里

閩風玄圃積瑤華蓋合人所居皆安也星宿之隙在崑崙之西

北東流過山之南然後折而抵山之東北其遶山之三面如珞

焉實非源於是山也 皇輿放天下有大水三黃河長江鴨綠

也 經曰黃河五百年一清聖人五百年一出此聖人受命王
者革命之象速則二十年後緩則三十年後遠則四十年後應
之羅隱詩莫把阿膠向此傾此中天意固難明解通銀漢應須
曲繞出崑崙便不清高祖誓功衣帶小僊人占斗容摧軀三千
年後知誰在何必勞君報太平 河圖河水出崑崙千里一曲
九曲八海 史記秦滅六國自以為獲水德之瑞更名河曰德
水 慎子西河下龍門其流駛竹箭駟馬追之不及 水經砥
柱山各河水分流包山而過山見水中若柱然 六帖清濟貴
黃河不流而不混 莊子猶蛟負山商鮪馳河必不勝任商鮪
僊員飲河不過滿腹 佛經聞佛設法各有淺深譬如象馬兔

三獸渡河 淮南子河水九折注海而流不絕者有崑崙之輸
也

河出圖 伏羲氏受河圖畫八卦 黃帝夢兩龍授圖乃齋詣

河洛求之有大魚泛白圖流而上帝跪而受之 舜以大尉

即位與三公臨觀於河有黃龍五采負圖置帝前 禮運河出

馬圖言龍馬負圖而出也 **河出圖** 武王渡河白魚入于王

舟王汎壁而榮光塞河 晉文公及河子犯以壁授公子請由

此亡公曰所不與舅氏同心者有如白水投其壁于河 潘蓬

子羽齋千金之壁渡河陽侯彼起兩蛟夾舟子羽曰吾可以義

求不可以威劫操劍斬蛟蛟死波休乃投壁於河三投輒躍乃

毀壁而去示無恚意桓侯河 韓詩外傳申屠狄非世將沉於
河雀嘉聞而止之曰吾聞聖人仁士民之父母今為孺足之故
不救溺人可乎狄曰桀殺關龍逢紂殺王子比干而亡天下吳
殺子胥陳殺洧治而滅其國故亡國殘家非無聖智不用故也
遂抱石而沉於河寒飈示 武帝元封中河決瓠子天子臨河
沉白馬玉璧令羣臣從官自將軍以下皆負薪填決河取淇園
之竹以為捷乃作瓠子之歌卒塞瓠子等宮其上名曰宣房宮
其歌曰瓠子決兮將奈何皓皓汧汧閭殫為河為我謂河伯兮
何不仁宣房塞兮萬福來河伯娶婦 西門豹為鄴令三老廷
掾歲歛百姓錢為河伯娶婦巫行視小家女好者聘取以故人

家多持女遠逝豹至其時往會呼河伯婦視之曰是女子不好
煩大巫媪為八報河伯更求好女送之使吏卒抱大巫投河中
有頃曰何久也復以弟子投之凡三投弟子豹曰巫媪弟子是
女子不能白事煩三老八白之復投三老河中良久豹欲復使
廷掾豪長者一人趣之皆叩頭且破額血流地豹曰河伯留客
之久皆罷去歸矣鄴吏民大驚恐自此不復敢言為河伯娶婦
趙簡子沈鸞微於河曰吾嘗好聲色矣而鸞微致之
吾嘗好宮室臺榭矣而鸞微為之吾嘗好良馬善御矣而鸞微
束之今吾好士六年矣而鸞微未嘗進一人也是長吾過而絀
善也 呂覽 范獻子游河大夫皆在君曰知欒氏之

子乎大夫莫答舟人清消捨楫對曰君矣問蔡氏之子君曰自
亡吾蔡氏也其老者未死者壯矣清消曰善修晉國之政內
得大夫外不失百姓則舟中之人皆蔡氏子也君曰善尸子
不得大夫而外失百姓則舟中之人皆蔡氏子也君曰善尸子

渡河隨水

梁相死惠子欲之梁渡河而遽隨水中船人救之

船人曰子欲何之而遽也曰梁無相吾欲往相之船人曰子居船
楫之間而困無我則子死矣子何能相梁乎惠子曰居船楫之
間則吾不如子至於安國家全社稷子之比我蒙蒙如未視之
狗耳韃廬 **狗耳韃廬** 王遵 涿郡王遵自益州刺史遷東郡太守河水
盛溢泛浸馭子金堤決壞遵躬率民吏投沈白馬祈水神河伯

親執珪璧請身隕堤廬居其上吏民皆走遵立不動而水決齊
及而止公私壯其勇節水經 **河間國** 郭汾陽鎮蒲欲造浮

橋而急流毀坤公醉酒許以小女妻之其夕水退木立埠上遂
成橋而小女尋卒因塑廟中人因立公祠號何瀆親家翁 韓

祭河伯

後魏高昂為西南道大都督經起商洛祭河伯曰河

神

伯水中之神高教曹地上之虎行經君所故相決酌 **不給**

祭不越望江漢睢漳楚之望也何非所獲罪也遂弗祭孔子曰
昭王知大道矣其不為國也宜哉 左傳 韓褐子濟於河津人告
曰夫人過於此者未有不快用者也而子不用乎韓褐子曰天

子祭海內之神諸侯祭封域之內大夫祭其親士祭其祖禘禘也
也未得事何伯也律人申楫舟中水而運律人曰向也役人固
已告矣夫子不聽役人之言也今舟中水而運甚殆治裝衣而
下遊乎韓子曰吾不為人之惡我而改吾志不為我將死而改
吾義言未已舟佚然行說苑

江

風俗通江者貢也為其出珍物可言獻也 釋名江者
公也小水流入其中出物不私所公共也 荀子子路

盛服見孔子子曰由是裾裾何也昔者江出於岷山其始出也
其源可以濫觴及其至江之津也不放舟不避風則不可涉也
非維下流水多耶 說苑葉公問樂王鮒曰晉大夫趙文子為

人何者對曰好學而受規諫葉公曰疑未盡矣對曰好學智也
受規諫仁也江出汶山其源若雍口至楚國其廣十里無他故
其下流多也人而好學受規諫宜哉其立也

渡江得萍

家語楚昭王渡江有物大如斗圓而赤直觸王舟

舟人取之王大恠使人之魯問孔子孔子曰此萍實也可剖而
食之吉惟霸者能獲之使返王遽食之甚美 **說檀子** 漢建

初中張禹拜陽州刺史過江行部中土人皆以江有子胥之神
難於濟涉禹厲聲言曰子胥如有靈知吾志在理察枉獄豈危
我哉遂鼓楫而過郡邑深幽之處莫不畢到 祖述擊楫渡江

授扇濟江

公齋夜話王榮老嘗宦於觀州欲渡觀江七日風

作不得濟父老曰公篋中必蓄奇物此江神極靈當獻之得濟
榮老有玉麈尾即以獻之風如故又以端硯獻之風愈作又以
宣包虎帳獻之皆不驗夜卧念曰有黃魯直草書扇頭題畫應
物詩曰獨憐幽草澗邊生即取視之曰我猶不識鬼神識之乎
持以獻之香火未收天水相照如雨鏡展對**江上丈人** 伍負
如兵至江上欲涉見一丈人刺小船將漁筏而請馬丈人度之
絕江問其名族則不肯告解其劍以予曰此千金之劍也丈人
不肯受曰荆國之法得伍負者爵執圭祿萬石金千鎰何學
之千金劍為乎伍負適於兵使人求之江上則不能得也每食
必祭之祝曰江上之丈人 呂氏 **跛男濟江** 唐袁天綱字客師

嘗渡江扣舟而還或問故曰船中人鼻下氣皆黑不可以濟俄
有一男子跛而負就舟客師曰貴人在吾可以濟矣江中風起
幾覆得免跛男子乃婁師德也 **溺死不災** 澹臺凝明之子溺
死于江弟子欲收葬之凝明止之曰此命也與螻蟻何親與魚
鱉何仇弟子曰何夫子之不慈乎對曰生為吾子死非吾鬼遂
不收葬 博物志 **引兒投江** 呂覽有過於江上者見人方引嬰兒
而欲投之江中嬰兒啼人問其故曰此其父善游其父雖善游
其子豈適善游哉 **江神術** 翰府名談宋陳堯咨泊舟三山
磯有老叟曰來日午後有大風舟行必獲宜慎之來日天晴萬
里無片雲舟人請解纜公曰更待之同行舟皆雄岸公托以他

事未行日午俄有黑雲起於天末大風暴至捲濤若山舟多沈溺公驚嘆又見前叟曰某案非人乃江之游奕將也以公他日當作宰相固當奉告公曰何以報德叟曰貴人祇至龍神理當衛護願得金光明經一部足矣公至京以經三部遣人投之復夢前叟曰當令公連陞數秩再拜而去

宋蘇丞相

宋蘇丞相

頌如婺州沂桐江水暴迅舟橫欲覆魏國大夫人舟中幾溺矣公衰號赴水救之舟忽自正太夫人甫出及岸舟乃覆覆以為誠孝所感

舟中危坐

程伊川貶涪州渡漢江中流船幾覆

舟中入皆號哭伊川獨正襟危坐如常已而及岸同舟有老父問曰當船危時君獨無怖色何也伊川曰心存誠敬耳老父曰心存誠敬固善不若無心伊川欲與之言老夫徑去不顧世說桓温在南洲與會稽王濛舟江側謝安亦在坐狂風忽起波浪鼓湧桓有懼色會稽亦微異惟誓怡然自若頃間風正桓問誓曰向那得不懼誓徐笑曰何有三才同盡理

告天安流

王

僧辨與陳霸先討侯景會于白茅洲為盟及殺鵲頭中江而風浪師人咸懼僧辨再拜告天曰僧辨忠臣奉辭伐罪社稷中興當使風息若昂命中論請從此逝言訖風止自此遂安流有羣魚躍水飛空引道遂大破之

燃犀照江

温嶠至牛渚磯

傳言水深不可測乃燃犀角照之頃更見水族奇怪或乘車馬至夜夢人謂曰與君幽冥道隔何苦相照嶠甚惡之未幾而卒

好飲江水

東漢姜詩妻龐氏事姑至孝姑好飲江水水去家
七里妻常鷄鳴泝流而汲值風雪不時得水詩責遣之妻往隣
家績紡供給因隣母遺姑詩聞追還舍側忽有湧泉出味如江
水華陽志**曹娥江** 事見端午門縣長裴尚憐而葬之命邯鄲子
作碑蔡邕來觀題云黃絹幼婦外孫壘白後人為立廟 饒娥
父醉漁風卒起不解舟遂溺死娥聞父死走哭水上氣盡伏死
明日黿魚鬪蛟浮死萬數鄉人葬娥鄱西柳子厚作碑**濯錦江**
成都記濯錦江秦丞相張儀所等蜀人織錦既成濯於江水其
文分明勝於初成濯以他江則錦色弱矣遂名之**螺江** 在福
州搜神記閩人謝端於江邊得一螺大如斗畜之家端每歸盤

餐必具因密伺之乃一姝甚麗問之答曰我天漢中白素女天

帝遣我為君具飲食今當別去留殼與君端用以盛糧其來常

蒲江以此得名



在眉州墓頭山下即岷江也源出岷

山瑩若玻璃因名一名墓頭津即唐田令孜沉孟昭圖處鴨綠

唐書東國有馬訾水出靺鞨之白山色若鴨頭故名西南

流至安市入海唐太宗征高麗耀兵於鴨綠水即此靑白江

在城都新繁縣北宋趙抃過此曰吾志如此江清白雖萬類混

清其中不少濁也因名

淮

釋名淮圍也圍繞揚州北界東至海也 山海經淮水
出南陽平氏縣桐柏山其源初則湧出復潛流三十里

然後長駕 書淮沂其乂 詩淮有三洲 周禮橘踰淮而北
為枳 國語雀入于淮為蜃 王延壽桐栢廟碑法泫淮水聖
禹所導湯湯其逝惟海是造疏濬濟遠柔順其道弱而能強仁
而能武晝夜不舍明哲所取寔為四瀆與河合矩 薛道衡祭
文導源桐栢長塹蓬萊探四瀆而引百川擅五材而含七德
天寶六載淮瀆封為長源公

巫支祈 岳瀆經禹治水三至桐栢山驚風迅雷石號木鳴禹
怒召集百靈獲淮渦水神形若狻猊縮鼻高額青軀白首金目
雪牙頸伸百尺力踰九象搏擊騰蹕疾奔輕利人不可視乃命
庚辰制之是時木魅水靈山妖石怪奔號叢繞幾以千數庚辰

持戟逐去頸鎖大索鼻穿金鈴徒之龜山足下淮水乃安 唐
永泰元年楚州有漁人忽於淮中得古鎖不絕以告官刺史李
陽大集人力引之鎖窮有獼猴躍出復沒涎沫腥穢不可近

浮山堰 梁武帝用魏降人王足計欲以淮水灌壽陽督卒二
十萬作浮山堰或曰淮有蛟龍喜乘風雨壞岸其性惡鐵乃引
東西冶鐵器數千萬斤益以新石沉之猶踰年乃合堰袤九里
魏人患之果徙壽陽未幾淮暴漲堰壞奔于海其聲若雷死者
數十萬人初鎮星犯天江而堰實退舍而壞 **秦淮** 秦望氣者
云五百年後金陵有天子氣曰鑿鍾阜為瀆令水貫城中呼秦

淮上遇風

范文正淮上遇風詩云一棹危於葉傍觀欲損

神他年在平地無忽險中人雖美翰戲語卒然而作其濟險加
澤之心未嘗忘謂官渡淮唐子方謫官渡淮至中流風作舟
欲覆作詩曰聖宋非狂楚清淮異汨羅平生仗忠信今日任風
波日暮泊舟岸下續云舟楫顛危甚鼉鼉出沒多斜陽幸無事
沽酒聽漁歌

濟

釋名濟濟也言源出河北濟河而南也 周官鸛雉不

踰濟 禹貢導沆水東流為濟入于河溢為滎孔傳泉

源為沆流去為濟 天寶六載濟瀆封為清泉公 唐高宗問

許敬宗曰天下洪流巨谷不載祀典濟甚細而在四瀆何也對

曰瀆之為言獨也不因餘水獨能赴海者也濟潛流屢絕狀雖

微細獨而尊也帝曰善 唐李甘濟為瀆問今盡濟水之力載
數石之舟廣不能橫深不能浮而曰與河同靈等秩吾不知先
王班祀之意何如也 海畔有一沙阜高一丈周迴二里俗呼
為鬪口汶是濟水入海之處海潮與濟相觸故名汶上有甘泉
可食海潮雖大汶終不沒 元和郡國志

洛

春秋說題辭洛之為言繹也言水繹繹光耀也 河圖

洛水地理陰精之官帝王明聖龜書出文天以與命地

以授瑞接河合際居中護郡王道和洽吐圖佐神逆名亂教摘

亡吊存故聖人觀河洛也 易乾鑿度帝王將起河洛龍見皆

察其首黑者人正白者地正赤者天正宓妃宓羲氏之女溺死

洛水為神 洛水底有礪石故上無水

穀洛闔 周靈王時穀洛闔將毀王宮王欲壅之太子晉諫曰

不可夫水聚於高歸於下今吾執政無乃實有所避而滑夫二

川之神使至於爭明以妨王宮王而飾之無乃不可乎王卒壅

之王室大亂國語洛伯用與河馮夷闔蓋洛水之神也書竹

珠 昭靈后名舍始游洛池有玉鷄銜赤珠刻曰玉英吞此者

王舍始吞之生漢祖帝王世記**附書靈臺** 後魏虎賁洛子淵者洛

陽人成在彭城其同營人樊元寶假歸附書令達其家云宅在

靈臺南近洛河元寶至忽見一老翁云是吾兒書引入屋宇顯

敞坐命婢取酒須臾見婢抱一死小兒而過俄而酒至色甚紅

香美異常兼設珍羞海陸具備飲訖送元寶出但見高岸對水

綠波東傾唯見一童子可年十五新溺死鼻中出血方知所飲

酒是其血也及還彭城子淵已失矣方知是洛水神也如藍

唐高宗時天下無事上官儀獨持國柄常凌晨赴朝

巡洛水堤步月綬轡詠詩音韻清亮望之若僊其詩曰脉脉廣

川流驅馬歷長洲鵲飛山月曉蟬噪野風秋

渭 春秋說題辭渭之為言布也謂渭流行貌雜兵志東海

出氣如縈渭水出氣如蠶 史記周文王遇太公渭水

之陽 三輔記秦作離宮於渭南北渭水貫都以象天漢橫橋

南渡以法牽牛橫橋即中渭橋也漢都渭南開北闕以臨渭

東渭橋漢高祖造以通樂陽之道西渭橋武帝造以通茂陵以其對便門故亦名便橋唐時名咸陽橋

文身

益部耆舊傳漢武時張寬為侍中從祀甘泉至渭橋

有女子浴於渭水乳長七尺上恠問之女曰後第七車侍中知我所來時寬在第七車對曰天星主祭祀者齋戒不潔則女人

星見

明皇時靈昌郡得異馬於河龍鱗虺尾拳毛環

目肉鬣者心閑二十年遇樑山亂帝西幸至咸陽西入渭水化為龍游冰而去不知所終

有巨井俗呼為八角井元和初有公主夏中過之令從婢以銀稜椀就井取水悞墜椀於井經月餘此椀出於渭水投錢三

輔決錄安陵清者項仲山飲馬渭水每投三錢龍飲昔有黑

龍從南山出飲渭水其行道曰成土山名龍首長六十里

湖 廣雅湖池也 說文湖大陂也 風俗通湖都也流瀆四面所限都也

五湖 太湖在蘇州禹貢謂之震澤爾雅謂之具區國語謂之

五湖一名笠澤一名洞庭吳錄五湖者太湖之別名以其周行

五百餘里故名或以太湖射陽湖上湖洮湖滬湖為五湖然國

語吳越戰於五湖有在笠澤一湖中耳則知或說非也 周禮

揚州其浸曰五湖彭蠡湖 荊州記宮亭湖即彭蠡湖一名匯

澤一名鄱陽一名陽瀾雲夢澤 荊州記華容縣東南有雲夢

澤一名巴丘湖參湖注水軒轅遊蜀見水多決之下流江湖

皆溢乃鑿湖注水今洞庭一也節官湖尚書即張謂謂出使

夏口諸公觴于南湖方夜水月其一也節官湖尚書即張永

號曰郎官湖大德廣常熟縣有太傅湖太傅即謝安也符公

湖永嘉記懷化縣有蔣公湖父老相傳云先代有祭祀祈請

者湖輒下大魚與之一陽雜俎句容縣有半湯湖湖

水半公半熟可以瀹鷄魚誤入輒死巴陵有青草湖

周圍數百里日月出沒其中以湖南有青草山故名龍目湖

秦王東遊龍目湖觀地勢去此有天子氣使赭衣徒鑿湖中長

岡使斷因改名為丹徒丹徒有高驪山昔高驪國女來此東

海神乘船致酒禮聘之女不肯海神撥船覆酒流入曲阿湖故

曲阿酒美也桓温云京口士瘠人窶無可戀唯酒可飲兵可用

耳齊隆昌湖由拳縣秦時長水縣也始皇時童謠曰城門當

有血城陷設為湖有老嫗聞之憂懼朝朝往窺城門門將欲縛

之嫗言其故嫗去後門將殺犬以血塗門嫗又往見血走去不

敢頌忽有大水欲沒縣主簿令幹八白令曰何忽作魚幹又

曰明府亦作魚遂淪陷為湖神異淮南子歷陽之都一夕久而

為湖注歷陽淮南國名昔有老嫗常行仁義有兩書生過之謂

曰此國嘗設為湖視東城門閭有血便走上山勿及顧也自爾

此嫗數往視門閭吏問之嫗對如其言暮門吏殺鷄以血塗門

明日媪早往視門血便走上山國設為湖 青瑣高議今巢湖
乃古巢縣一日江漲港有巨魚人取以貨市合縣食之有一老
媪獨不食遇老叟曰此吾子也汝獨不食吾厚報汝若東門石
龜目赤城當陷媪日往觀有稚子訝之媪以實告稚子欺之以
朱傳龜目媪見急出城有青衣童子曰吾龍之子也乃引媪登
山而免 **臨平湖** 吳之未亡也吳郡臨平湖一旦自開湖遺得
函中有小青石刻作皇帝字舊言臨平湖塞天下亂開則天下
太平吳人以為表祥俄而吳滅後元帝興於江左 陳訓小學
天文孫皓時錢塘湖開或言天下當太平青蓋入洛皓以問訓
對曰臣能望氣不達湖開塞退告友曰青蓋入洛將有舁櫬街

璧之事非吉祥也 **望墩湖** 歙縣望墩湖其中有屋常與呂湖
屋開程靈銑好勇而善射夢屋化為人告之曰吾為呂湖屋所
厄君能助吾必厚報東白練者吾也明日靈銑彎弓助之正中
後屋不知所之後人名其處為屋灘時有一道人詣靈銑母求
食食訖曰勞毋設食今當為求善墓地使毋隨行上山以白石
識其地曰葬此可以暴貴矣靈銑因移父葬其所侯景亂靈銑
率郡鄉萬餘眾保新安因隨陳武帝有奇功及陳武受梁禪靈
銑以佐命功臣與周文育侯安都為三傑 **五百畝** 東鄉太湖
吳時有軍士五百人將破堰先以酒肉祈神約令水涸夜夢人
云塘水速竭若見巨鱗慎勿殺也又有銅金並不可證明往决

水翕然而盡得白魚形狀非常小人貪利割而治之見狀所祭
餘食克溢腸內須臾復得釜又取發水便暴出五百人一時彼
溺唯督監得存具說事狀于今猶名此湖為五百陂異苑
湖 昭明太子有一琉璃盤紫玉盃皆武帝所賜也既薨詔置
梓宮後更築開墳為閩人携人大航乃有燕雀數萬擊之因為
有司所縛乃獲二寶帝聞而驚異詔以賜天孫封墳之際復有
燕雀數萬樹上以增其上墳側今有湖後人因名燕雀湖
分司 荆州記宮亭湖廟神甚靈塗旅經過無不祈禱能使湖
中分風而帆南北
銅胎湖 交州記交州有一湖百姓獲捕者
見銅胎出水上又有水牛在湖中
九鯉湖 八閩通志漢河氏

兄弟九人嘗止於仙游縣南山而煉丹於湖側及丹成各乘一
鯉仙去故名
三皇湖 在溧陽東南陸機云千里尊羹指此曰
月湖 進賢縣有日月湖水涸則分為二漲則合而為一中
有石人灘古謬日月湖明良將出石人灘合杜元生
詔賜鏡湖
賀知章遷禮部侍郎天寶初請為道士還鄉里詔賜鏡湖一曲
建業有玄武湖一名後湖南唐近事諸老坐朝堂語馮謚與鏡
湖事曰非敢望此若得後湖一暢平生也徐鉉曰主上尊賢下
士豈惜一湖所乏者知章耳馮大慙
龍社湖 高郵城西有湖
湖中有大珠其光屬天
蔡宣湖 在彭蠡西北湖中有小山相
傳星墜水所化宋孟太后過湖宮人舟覆溺死者十數惟太后

舟無遺馬 唐莊宗城梁馬放遣子希範修貢莊宗問
洞庭廣狹對曰車駕南臨纔堪飲馬耳莊宗嘉之西湖 東坡
連守抗穎二州皆有西湖後請惠州亦有西湖 西湖故明聖
湖也周圍三十里漢時金牛見湖中人言明聖之瑞遂稱明聖
湖山川秀發景物華穠自唐以來為東南游賞勝處柳耆卿作
望海潮詞有三秋桂子十里荷花之句此詞流播金主亮聞之
命畫工潛入臨安圖西湖揭軟屏間貌已像策馬吳山之巔題
其上曰萬里車書蓋會同江南豈有別疆封提兵百萬西湖上
立馬吳山第一峯 紹興淳熙間君相縱逸耽樂湖山無復新
亭之淚是以論者以西湖為尤物比之西施之破吳也甘棠

湖 江州潯陽南有甘棠湖長慶二年刺史李渤築亭門以

蓄洩水勢化野湖 在慈谿唐刺史任同修築中有小墅

泉 **太公泉** 汲縣北有太公泉太公之故居也有石夾水

一飛湍迅急人亦謂之礮溪泉 在泗水縣孔子至于

勝母縣暮矣而不宿過于盜泉渴矣而不飲惡其名也尸子 **貪**

泉 晉吳隱之為廣州刺史石門有貪泉俗云飲此水者廉士

皆貪隱之酌而飲之為詩唐馮立為廣州都督見貪泉曰此豈

隱之所酌耶吾雖日飲此水庸易吾性哉遂極飲而去廉泉
見水 **狂泉** 袁粲曰昔一國有狂泉飲之無不狂國君穿井自
飲獨得無恙國人反謂國君不狂為狂聚謀共執國君及艾針

藥畢具國君不任其苦酌泉飲之即狂刺山出泉李廣利為

貳師將軍伐大宛還士眾渴甚廣利拔佩刀刺山飛泉湧出拜

井出泉耿恭守疎勒城為匈奴所圍穿井十五丈無水乃向

井再拜有頃飛泉奔出因揚水示虜以為神遂引去聖應

泉正元中揚師晟為邠寧節度使師次方渠水乏有青蛇下

走視其跡水從而流使等防環之遂為潭州軍人仰飲有足圖

其事上聞詔置祠焉命泉曰聖應唐書聰明泉潯陽縣落星

山澗有五松橋惠遠與殷仲堪席澗談易于此而樹下泉湧號

聰明泉寰宇記水新有聰明泉水自山湧出古今學者飲之多成

事土人謂之聰明泉上孝感泉王彭少喪母元嘉初父又

亡家貧鄉人助作埽埽須得水穿井數十丈無水一旦埽窳前

忽生泉用之事畢復竭助者嗟嘆改其里為通靈里宋書安金

箴長安人為太常丞初喪母廬於墓側躬造石墳石塔晝夜不

息原上舊無水忽有湧泉自出唐書宋思禮主蕭縣簿會大旱

井池涸母羸疾非泉水不適口思禮憂懼具禱忽有泉出諸庭

味甘寒日不乏汲縣人異之唐書王泉泉盧勣隋初拜渭州

刺史甚有惠政烏鼠山俗呼為高武隴絕壁千尋由來之水諸

羗苦之勣馬足所踐忽飛泉湧出有白鳥翔止廳前而乳民為

之謠曰我有丹陽山出玉漿濟我民夷神鳥來翔百姓因號其

泉為玉漿隋書靈泉玉堂閑話西蜀將王暉任集州刺史城

頭卷之六

中無水泉值岐兵攻城城內焦渴公乃中夜祈請夢一老父告
曰州獄之下當有靈泉公驚寤亟命掘之乃有泉流命汲泉水
于城上揚而示之其冠乃去是日神泉亦竭靈如泉在臨城
縣昔有舒氏女與其父斫薪於泉處坐牽挽不動父還告家比
還唯見清泉女母曰吾女本好音樂乃絃歌泉涌汨流見朱鯉
一雙嬉戲龍飲漢高帝入彭城為楚所困漢兵渴乏帝以劍
插地拔即泉湧出至今水不溢旱不枯土人呼為龍湫龍泉
韓信將下趙聞陳餘不用李左車之計引兵方出井陘口師患
無井筮之得蒙知山下有泉馬信遣胡將周而索之見二白鹿
跑地有泉湧出后人於泉左立韓王祠祀之金調三處飛泉

東道縣句將山下有三泉傳云本無此泉居者皆苦遠汲人人
多賣水與之有一女子孤貧縵縷無以貿易有一乞人衣麤貌
醜瘡痍竟體村人見之無不穢惡唯女子獨加哀矜割飯飴之
乞人食畢曰我感姬行善欲思相報有何所須女答曰何恩可
報且今所須之物非君能得問所須女子曰正願此山下有水
可汲乞人乃取刀刺山下三處即飛泉涌出因便辭去忽然不
見荆州卓錫泉唐子西卓錫泉記吾遊羅浮至寶積寺飲泉
而甘寺僧曰此卓錫泉也昔梁景恭禪師居此山其徒以無水
難之師笑而不答已而庵成師卓錫于地泉湧數尺自是得井
山中賴之澄綠泉杜陽雜編滄洲久視山下出澄綠泉亦謂

之流綠渠投之金石終不沉沒**虎跑泉** 在杭州之南山唐性空

禪師來遊此山以無水將他之忽神人告曰自師來我等徼惠

甚大奈何棄去南岳童子當遣二虎來移師無憂也翌日果見

二虎跑山出泉其列勝常**雲谷泉** 在茅山客至則泉湧出**老**

翁泉 在眉州蘇洵嘉祐集云十數年前月夜有一老翁蒼顏

白髮偃息泉上就之則隱而入於泉弗見洵驚以石建亭覆之

因作銘**石井泉** 在并州九婦女靚粧彩服至其地者必與雷

雨**回鑿泉** 阿對本東漢楊震家僅嘗引此井泉灌蔬唐吳融

詩五陵年少如相問阿對泉頭一布衣**隆筆泉** 荊州松滋

縣苦竹寺有僧浚井得一筆後黃庭堅誦黥過此視筆曰此吾

蝦蟇磨所墜也因知此泉與蝦蟇培相通**燕來泉** 在彬州

以燕來時泉生去時泉涸故名宋折彥質居彬州剪茅為亭名

燕泉亭**美公泉** 在衡州甘泉寺寇萊公南遷日題於泉極曰

平仲酌泉經此四望北闕黯然而去未幾丁謂之過此題於西

楹曰謂之酌泉禮佛而去范諷留詩於寺曰平仲酌泉回北望

謂之禮佛向南行烟嵐翠鎖門前路轉使高僧厭寵榮厚熙中

南軒張栻榜此泉曰**美公泉****范公泉** 范仲淹知青州有惠政

詳溪側出醴泉人以范公目之今醫家用以丸藥名青州白元

子**酒泉** 西河舊事福祿城謝父所筭下有金泉味如酒故曰

酒泉**聖泉** 在安豐軍淨戒寺北人至泉旁大叶則大瀉小叶

則小湧若咄之湧彌甚泉字**泉**南劍州天階山有乳泉

之登山嶺如飛上**泉**鷄籠山間中十數處累石若出入力

朝夕有湧泉如潮時刻不差朔望尤大常如沸湯鳳應泉

在平樂府宋鄒浩謫居昭州以江水不可飲汲於數里外後所

居嶺下有泉湧出及將北歸數日前泉乃涸旋有人至門上厲

聲曰侍郎歸矣翌日果拜命歸至常州卒揚時挽詩泉甘不出

戶客至豈無神猶龍泉眉州蘇軾別業有猪龍泉軾云聞百

年前有此猪伏於此化為二鯉蓋猪龍也世莫有見者余偶見

之以告妻兄王愿愿起余誕因禱於泉二鯉復出起始釋

泉詩史唐宣宗微時以武宗忌之避跡為僧游方外與黃蘗

禪師同觀瀑布泉禪師一聯去穿巖越壑不辭勞倒底方知出

處高宣宗續之曰溪澗豈能留得住終歸大海作波濤 徐凝

瀑布詩去萬古長如白練飛一條界破青山色東坡去至為塵

垢此作絕句帝遣銀河一派垂古來惟有謫仙詞飛流濺沫知

多少不為徐凝洗惡詩志林**天齊泉**齊地記泉中流出瓦瓦

上有天齊二字晏子曰吾聞江深五里海深十里此泉與天齊

也兩道泉袁州府楊岐山有兩湧泉相傳與海通天欲雨

泉水先湧宋周允詩楊岐山下出靈泉與海相通亘古傳洶洶

便知天欲雨為言陰石不須鞭潤德泉潤德泉在鳳翔府岐

山縣西北周公廟傍相傳時平則流亂則竭宋雍熙中賜今名

有碑記

溫泉 驪山湯舊說以三牲祭乃得入可以去疾消病俗去秦
始皇與神女遊而忤其旨神女唾之則生瘡始皇怖謝神女為
出溫泉而洗除後人因以為驗三秦記天寶六載更溫泉曰華
清宮安祿山以白玉石為魚龍鳧鴈仍以石梁及石蓮花以獻
雕鏤巧妙殆非人工上大悅命陳於湯中仍以石梁橫亘湯上
而蓮花綴出水際上因幸華清宮至其所解衣將入而魚龍鳧
鴈皆若奮鱗舉翼狀欲飛動上甚恐遽命撤去而蓮花今猶存
焉 廬山記主簿山在胡郎廟南山下有溫泉穴口周圍一丈
許涌出如湯沸冬夏常熱 梁州記漢水南有溫泉周迴數十

步冬夏常沸湧若湯其熱可熟鷄子未至二十里即望見白氣
衝天 雜俎句容縣吳績塘有潮水半冷半熱可以論鷄皆有
魚交八輒死

湯泉記

唐子西

佛跡院院中湧二泉其東所謂湯泉其西
雪如也二泉相去步武間而東泉熱甚殆不可觸指以西泉解
之然後調適可浴意山之出二泉專為浴者計哉或說炎州地
性酷烈故山谷多湯泉或說水出硫黃地中即溫初不問南北
今臨潼湯泉方在正西而炎州餘水未必皆熱則地性之說固
已失之然以硫黃置水中水不能溫則硫黃之論亦未為得吾
意湯泉在天地間自為一類受性本然不必有待然後溫也凡

物各求其類而水性尤耿介得其類則雖數千萬里而伏流相通非其類則橫絕徑過十字旁午而不相入故二泉之間不能容尋常而交涼特異如此蓋亦無足怪者吹氣為寒呵氣為溫而同出於一口此其證也臨潼之水在開元天寶時最為知名思幸寵遇震動一時然自是以來是非口語亦紛紛矣此泉出東南萬里外非山僧野叟之所嬉嬉則騷人遷客之所嘯詠而徘徊也寵辱何自而至哉為泉計者其肯以此而易彼乎

井

釋名井清也泉清潔者也 易傳井通也物所通用 風俗通井法也節也言法制居人令節其飲食無窮竭也

周書黃帝始穿井 世本伯益作井 荊州記隋郡重山有一

穴父老相傳云神農所生地中有九井神農既育九井自穿汲一井則眾井水動

老子井

襄邑縣南瀨鄉老子之舊鄉也有老子廟中有九

井能潔齊入祠者水温清隨人意念每 **灌嬰井** 孫權經盜

城自標井地令人掘之正得故井有石銘云漢六年穎陰侯所開卜云三百年當塞塞後不滿百年當為應運者所開權見銘欣悅以為已瑞井甚深大江有風浪此井輒動土人呼為浪井

費傳井

湘州南寺之東費詎宅有井上斂下大狀似壺即詎

所穿井

荆州 **通仙井** 益州嚴貞觀有通仙井相傳此井與廣

漢綿竹君平宅井相通有人淘井得銅錢三徑可二寸因恍惚

不安復投井中立愈或云此君平卜卦錢也

丹砂井 臨沅縣有廖氏家世世壽考後子孫徙去轉多夭折他人居其故宅復

累世壽考試掘井左右得古人埋丹砂數十斛此丹砂汁入井

是以飲其水而得壽 抱朴子 **綠珠井** 昔梁氏之女有容貌石季

倫以圓珠三斛買之梁氏之居舊井存焉耆老傳云汲飲此水

者誕女必多美麗里間有識者以美色無益於時遂以巨石填

之甬後雖產女端嚴七竅四肢多不完全 **世鑄井** 南齊時荆

州天子井出錦士女取用與常錦不異經月乃歇 **臙脂井** 陳

後主與張麗華孔貴嬪投景陽井舊傳云欄有石脉以帛拭之

作臙脂痕名臙脂井一名屏井 **韓公井** 唐韓朝宗為襄州刺

史城有昭王井言汲者死人雖渴而不敢視朝宗移書諭神自

此飲者無恙號韓公泉 **八角井** 賈耽在滑臺于城北命築八

角井以鎮黃河有一老父來觀問曰誰鑿此井曰賈相公也父

曰大好手但近東近西近南近北也耽聞之曰是井太大也惜

玳瑁井 王涯作相日庭穿一井金玉為欄嚴其鎖鑰天下

寶玉真珠投置其中汲其水供飲後廣津被刑其骨肉之色並

如金 獨異志 **雞養井** 開成志永興坊百姓王乙掘井過常井

一丈餘無水忽聽向下有人語及鷄聲甚喧聞近如隔壁井工

懼不敢掘 酉陽雜俎 **司命井** 廣州記壽林郡有石井半甘半淡潛

通江波冬夏常盈名曰司命井周給闔境也其井水竭即土人

疾稼穡不登以為候

稟字

管寧所居男女或爭井

而怪之問知寧所為乃各相責不復鬪

高士傳

函中得一龜大如馬蹄復掘三丈遇盤石下有水流洶洶然

鑿石穿水北流甚駛俄有一船觸石而匠人窺船上得一杉木

板板刻字曰吳赤烏二年八月十日武昌王子義之船

南部新書白樂天之母因着花墜井後有排墳者以賞花新井

之作左遷江州司馬穆宗嘗題柱曰此人一生爭得水

開井 感遇傳壽州刺史張士平中年以來夫婦皆嘗歷求方

術不愈一旦有書生開井一眼得新水洗眼遂平復如初因留

此法今轉採世人士平拜受言訖升天而去書生太白星官

也 **金井** 益陽縣有金井數百古老傳有金人以杖量地輒

便成井意者疑是昔人采金謂之金井 **魯哀公使人**

穿井三月不得水得一玉羊哀公甚懼孔子曰聞水之精為玉

土之精為羊此羊肝乃土甫哀公使人殺羊其肝即土也 韓詩外傳

鳥井 郢城有華山山上有井有鳥巢其中金冢黑色而團

翹此鳥見則大水井又不可窺窺者不盈一歲輒死 **烏井**

坂渚津南有厄井父老去漢祖與楚戰敗走逃此井追軍至見

兩鳩從井中出故得免厄因名厄井 西征記

銅人井 零都盤固

頁

年

年

年

年

年

山其峰有井大銅人常守之五十年一涌水起數十丈銅人每以手掩之南康記

天井江陵縣東北十里有天井臺東臨天井

井周迴二里許中有塔室人時見之輒有兵寇荆州記

沸井句容縣有延陵季子廟前井及瀆恒自涌沸故曰沸井于今猶

然異苑火井臨邛有火井漢室之隆則炎赫彌熾暨桓靈之

際火勢漸微諸葛亮一墩而更盛至景曜元年人以燭投即滅

其年蜀井於魏異苑**雲井**長安東七萬里有雲山山頭有井

雲從中出若土德王則黃雲出火德王則赤雲出水德王則黑

雲出金德王則白雲出木德王則青雲出洞冥記**摘井**蘇耽將

仙去謂母曰後二年柳人大疫宜植橘斲井病者食一摘葉水

一盞自愈**風井**在荊州夏則風出冬則風入

陂渠周禮匠人為溝洫九夫為井井間廣四尺深四尺謂之溝方十里為成成間廣八尺深八尺謂之洫

鵠陂在汝南郡以為饒翟方進為丞相以數溢為害奏罷之

成帝夢上天天帝怒曰何故敗我濯龍淵王莽時枯旱郡中進

怨乃作童謠曰壞陂誰翟子威飯我豆食幾羊魁言不生稻梁

惟生豆羊後鄧晨為汝南守欲脩復翟方進所壞鵠陂聞許

陽曉水署為都水掾陽因高下形勢起塘四百里數年乃成

白渠白公穿渠民得其饒歌曰田於何所池陽谷口鄭國在

前白公起後舉鍾成雲決渠為兩涇水一石其泥數斗且既且

糞長我禾黍衣食京師億萬之口

白水陂 鄧艾於楚州開白

水陂灌田又等塘四十九所

考陂 楚相孫叔敖作期思陂灌

零婁之野號為陂

召信堞 謝安至新城等堞於城北後人追

思之名為召伯堞

金塘陂 白居易為杭州刺史始築隄捍錢

塘朝鍾世其水溉田千頃

折磴 李栖筠傳閔中仰鄭白二渠

溉田而豪戚壅上游取磴利且百所奪農田十七栖筠請皆毀

撤捍海隄

范文正公為泰州西溪鹽官嘗捍海隄

塘

程明道攝上元邑盛夏塘堤大決法當言之府府稟於漕

然後計工調役非月餘不能興作先生曰如是苗槁矣民將何

食救民獲罪所不辭也遂發民塞之歲則大熟

錄書行

道路

道路也路露也言人所蹈而露見也案爾雅一達謂

之道路二達謂之歧旁三達謂之劇旁四達謂之衢

五達謂之康六達謂之莊七達謂之劇驂八達謂之崇期九達

謂之遠廟中路謂之唐釋名又云城下路謂之豪步所用道謂

之蹊又廣雅擇軌垣街徑闌闐眇道也又畛除陳阡陌術亦

道路別名 昔黃帝為天子匠人營國國中九經九緯經深九

軌環深七軌野深五軌合方氏掌達天下之道路至於四畿凡

道路之舟車輦互者叙而行之凡有節者及有爵者至則為之

辟禁野之橫行徑踰者

周禮 道路男子由左婦人由右車從

中央此道路之事也五經要義將行者有祖道一曰祀行言祭

祀道路之神以祈也 老子大道甚夷而民好徑 南北為阡

東西為陌風俗通合方氏掌達天下之道路禁器呼歎鳴於國中

者行歌哭於國中之道者以兵革趨行者與馳騁於國中者

禮 羊腸盤道三十六迴 行百里者半九十里此言末路之

難策 雨畢而除道國語月令孟春端徑術端正也徑步道術車

康衢 堯微服遊於康衢聞童謠行者遜路 虞芮爭田八

周境耕者遜畔行者遜路道無刻樹 單襄公聘于宋過陳道

無列樹道弗不可行曰陳侯不有大咎必亡道不拾遺 孔子

之為政男女行者別其途道不拾遺四方客至於邑者皆如歸

焉家語**兩車爭道** 楚野辨女者昭氏妻也鄭簡公使大夫聘于

荆至於狹路有一婦人乘車與大夫遇擊折大夫之車軸大夫

怒將執以鞭之女曰妾聞君子不遷怒不貳過今狹路之中妾

之避已極矣而子大夫之僕不肯少伺是以廢于大夫之車而

反執妾豈非遷怒哉不怒僕而怒妾豈非貳過哉列女傳**行不由**

徑 澹臺滅明行不由徑 焦先不踐斜徑必循阡陌行不由

楊朱泣歧謂可以南可以北也羊 楊子隣人亡羊率其僮

追之楊子曰亡一羊何追者衆曰多歧路既返問獲羊乎曰亡

歧路之中又有歧焉吾不知所之故返楊子曰大道以多歧亡

羊學者以多方喪生列**秦之馳道** 賈山曰秦東窮燕齊南極

吳越蹕道廣五十步隱以金椎樹以青松為馳道之麗至於此

頁

卷

三

三

使其後世曾不得邪徑而托足焉途窮輒哭阮籍常率意獨

駕不由徑車轍所窮輒慟哭而返相逢避道北齊司馬膺之

神氣甚高性方古舊與楊愔同為黃門郎至愔為尚書令抗禮

如初曾路逢愔威儀道引乃於樹下側避愔望見令呼謂曰兄

何意避弟膺之曰我自避赤捧本不避卿愔甚重之樹柳隋

煬帝開邗溝自山陽至揚子入江渠廣四十步旁皆築御道樹

以柳樹槐符堅滅燕趙之後自長安至於諸州皆夾路樹槐

柳二十里一亭四十里一旅行者取給於涂工商資販於道

韋孝寬為雍州刺史先是路側一里置一土堠經雨頽毀每領

修之自孝寬臨州乃勒部內當堠處植槐木代之既免修復行

旅又得庇廕周文見之曰豈得一州獨爾當天下同之於是分

諸州道路一里植一木二里植二木百里植五木焉北史銅表

魏文帝迎薛靈芝大道傍一里置一銅表五尺以志里數託談

堠子劉子儀與夏英公在翰林英公為副樞意頗不平作堠

子詩云空呈厚貌臨官道大有入從捷徑過道路列肆元宗

道路列肆具酒食以待行人迎鍾中山之國有風絲者智伯

欲攻之而無道為鑄大鍾方車二軌以遺之風絲之君斬岸堙

溪以迎之隨以攻之風絲遂亡春秋石牛秦惠王刻石牛置

黃金於後曰此天牛能糞金蜀王以為然遣五丁力士成道入

蜀張儀隨以伐蜀馬跡晉昌郡南及廣武馬蹄谷盤石上有

馬跡若踐泥中號曰天馬徑龍尾道唐含元殿前龍尾道七

轉如龍尾然祿山每睥睨龍尾道乃去騎龜得路黃緒入山

無路忽見大龜騎其背龜即右向從行十餘里得溪水老馬知

路齊桓公行而失路管仲請釋老馬而隨之以軍詭里黃

帝遊行天下以車記里西州路謝安卒甥羊曇不由西州路

嘗醉不覺至州門慟哭而去

津渡說文曰津水渡也濮小津也江之滸舟可縻而上

下曰步柳文操舟鬻渡利供百口列異僧浮笠渡江

和尚常乘木杯渡河目名焉晉吳猛受神方以白羽扇畫水

渡江不用舟楫

問津孔子使子路問津長沮曰是知津矣律史斷評趙

簡子南擊楚津吏醉卧不能渡簡子召欲殺之津吏女持楫而

前曰妾父聞主君東渡不測之水恐風波之起故禱九江三淮

之神不勝杯酌餘瀝醉至於此妾願以鄙軀易父之死簡子將

渡少一人乃代父持楫遂與渡中流發河激之歌簡子悅以為

夫人列女傳延平津雷煥佩劍過延平津劍飛入水化為龍如

婦津劉伯玉妻段氏性妬後自沉而死七日托夢與伯玉曰

吾今得為水神伯玉終身不渡水美人渡津者皆壞衣妝不甫

風波暴發脫衣刺船陳平渡河舟人疑有金玉乃脫衣與刺

船自免子胥解劍見江門

橋梁

橋水梁也或曰梁石橋也石杠謂之倚釋名獨木之

橋曰推亦曰約今謂之略約廣志楚人謂橋為圮舟

梁謂浮橋說文橋有鴈齒六帖駕海維河浮鼉役鵲柳煥造舟

為梁見於詩而杠推倚約雜出於子史若橋之為名則始於商

而獨著於周書建秦漢乃各冠以地或曰水而稱橋近世以

來其功利之大且廣者多為浮屠氏所有蓋佛以慈憫利物為

心而橋梁又居八福田之一垌以堅石固其岸以巨材壯其趾

脉絡貫穿勢侔坤軸一木所幹萬鈞為輕大牙相函魚鱗密次

踴若鰲戴直聳如嶽壓蛟螭盤結若飛若動上橋柱下橫木入泓

中者謂之蹲鳥雜志

危橋 危梁穆王至九江以鼉鼉為梁而渡 **危柱** 尾生待水

至而死 **就橋為安** 前漢薛廣德直言諫諍元帝祭宗廟出便

門欲御樓船廣德免冠頓首曰宜從橋上不說光祿大夫張猛

曰乘船危就橋安聖主不乘危乃從橋 **白鶴橋** 在白容縣東

相傳大茅君每歲十二月駕白鶴來此會羣僊故名 **青羊橋**

蜀青神縣有青羊橋相傳周時老子乘青羊出關過此橋故名

題柱 司馬相如往京師過蜀郡昇僊橋題其柱曰大丈夫不

乘駟馬車不復過此橋橋在成都府城北 建寧府建縣東有

南鄉橋宋袁樞未第時過此題于柱曰玉龍倒影卧寒潭人在

雲霄天地寬借問何人題此柱茂陵詞客到長安 **富平津橋**

晉杜預以孟津渡險請建河橋于富平津衆論以為殷周所都
經聖賢而不作者必不可作故也預曰昔造舟為梁則河橋之
謂也固請為之及橋成晉主從百僚臨會舉杯屬預曰非卿此
橋不立預曰非陛下之明臣亦無所用其力
道通橋 在廬
州府城東北明遠臺東吳孫權為魏將張遼所襲乘駿馬上津
橋橋輟大餘超渡得免後人名為飛騎橋
駱駝橋 駱駝橋在
湖州府治東以形似駱駝故名舊有顏真卿所書駱駝橋三字
御相橋 在衡州府來陽縣治北相傳兵相伍子胥經此
橋 杭州清泰門西有春熙橋一名裝駕橋相傳宋高宗自越
州渡以還臨安泊舟裝駕于此
渡蟻橋 在德安府應山縣治

南宋郊兄弟嘗隨父宦應山後人因郊渡蟻事而遂以名其橋
洛驢橋 袁州府城東有湛郎橋唐貞觀初宜春人彭伉登第
其妻與郡吏湛賁之妻姊妹也妻族頌伉坐上皆名士獨飯賁
于後閣賁憤怒自是力學一舉擢上第伉方過此橋聞之失聲
墜驢故袁人謔曰湛郎及第彭伉落驢又名洛驢橋
義興郡長橋 後漢袁府君造橋下有蒼蛟每吞飲人周處執劍
橋側伺其出懸劍自上投下刺蛟背而死按義興今改為宜興
縣天津橋 在河南府西南架洛水上隋煬帝建用大船連以
鐵鎖南北夾起四樓唐貞觀中始釐石為岸即宋邵雍聞杜鵑
聲處題扇橋 紹興府戒珠寺前有題扇橋即王羲之題扇

處安筆橋

山陰縣治東北有夢筆橋相傳梁江淹所居處

萬里橋

在蜀浣花溪之東昔孔明送吳使者至此曰萬里之

行從此始矣因得名唐玄宗狩蜀過此橋問橋名左右對以萬

里上嘆曰開元末僧一行謂更二十年國有難朕當遠遊至萬

里外此是也遂駐驛成都**駭龍橋**東漢時邑人瞿武宗入峨

眉山得道乘龍還家繫龍于潭故潭名繫龍後乘龍而去潭上

有橋亦名繫龍宋龐籍送石揚休還峨眉山詩巢鳳閣邊勞遠夢

繫龍橋下認前題**乘鯉橋**

在蘇州子城西北宋吳子英嘗于

此得赤鯉有翅角遂乘之飛去故名**中渭橋**

在西安府西北

本名橫橋架渭水上秦始皇併天下都咸陽作雉宮于渭之南

北渭水貫都以象天漢橫橋南渡以法牽牛又東渭橋在府城

東北漢高祖造以通櫟陽之道西渭橋在舊長安城西漢武帝

造以通茂陵以其對便門亦名便橋唐改名咸陽橋**半蘇橋**

在吉安府城南城隍岡蘇軾過此見花木秀發以其境半于蘇

州故名橋曰半蘇**盧溝橋**

在順天府西南三十五里跨盧

溝河金明昌初建長二百餘步石欄刻為獅形波光曉月上下

蕩漾為京師八景之一**機橋**

唐康承訓屯海州度賊將

至乃作機橋維以長絙及賊未半渡而絙絕士多溺死其已渡

者不得戰遂殲之**獺鳴橋**

周處風土記陽羨縣前有大橋

橋下有獺將有兵動獺出穴口向西而鳴**龍卧橋**

朝野僉

載趙州石橋望之如初日出雲長虹飲澗天后時由奴默啜欲
南渡至橋上忽馬不進見青龍卧此橋乃去**丁卯橋**在鎮江
府城南晉元帝子袁鎮廣陵運糧出京口因水涸奉請立埭用
丁卯日後人建橋遂名丁卯唐許渾嘗等別墅于橋側宋陸游
詩裴相功名冠四朝許渾身世老漁樵若論風月江山主丁卯
橋應勝午橋忠孝橋都昌縣北有忠孝橋跨忠孝港宋寺
丞陳睦獲罪其子代父死故名其橋以旌之**飛虹橋**譚苑徐
常侍鉉仕江南日嘗直澄心堂每入直至飛虹橋馬輒不進裂
鞍斷轡蓋之流血掣韉卻立莫知所謂餘抗僧替寧去下必有
海馬骨水火俱不能毀惟漚以腐骨即毀鉉于是得巨獸骨積

薪不能焚如法治之怪亦隨滅**僧粟治橋**唐王周歷四鎮
皆有惠政定州橋壞覆民租車周曰橋梁不脩刺史之過也乃
償民粟為治其橋**銷魂橋**長安東灊陵有橋漢時送行者
多至此折柳送別唐開元遺事迎新送故皆至此黯然故又呼
為銷魂橋**大夫橋**唐隱士張志和築室越州東郭觀察使陳
少游往見為終日留先是門阻流水無橋梁少游為創之人號
大夫橋**鴈橋得兒**沔陽州景陵縣有鴈橋舊傳有人見鴈
集西陂覆一小兒于下僧史積師得之育三歲不知其姓以易
筮之得蹇之漸爻辭去鴻漸于陸其羽可用為儀乃氏以陸名
以羽字以鴻漸後人因以鴈名其橋**七級橋**在四川雅州孟

山下相傳為孔明擒孟獲而得名**楓橋** 在蘇州城西面山

臨水可以遊息南北往來必經于此唐張繼有楓橋夜泊詩月

落鳥啼霜滿天**虎渡橋** 在漳州府城東柳營江上昔有虎

渡是江土人因以名橋古詩虎渡通人行漸漸出公卿此橋宋

嘉定間建**鶴舞橋** 在蘇州城東北隅相傳吳王女出葬日

有鶴舞于市故名**吳江長橋** 在蘇州府吳江縣東門外有

七十二洞舊名垂虹橋東西千餘尺橫跨松江前臨大湖乃吳

江絕景也宋鄭毅夫詩三百欄干鎖畫橋行人波上踏瑤瑤

天蟬螭玉腰闊跨海鯨鯢金背高**百花橋** 元徹柳實深海抵

孤島見玉塵尊師與南詔夫人拜謁求返命侍女送二子馭百

花橋而歸既達回視無橋矣**河厲** 吐谷渾於河上作橋謂

之河厲長一百五十步

昆明池 昆明國有池方二百里漢武欲伐昆明作池象

池之以習水戰於池中置二石人相對以象牽牛織女又刻

石為鯨魚每雷雨魚常鳴吼鬣尾皆動**不涸池** 在建章宮北

中有蓬萊方丈海山神山龜魚之屬**靜蛙池** 湖州常樂寺有

靜蛙池昔肇法師厭蛙聲聒耳驅而去至今池中不生科斗長

沙嶽麓書院前有池夏無蛙聲相傳宋張拭讀書於此厭蛙聲

禁之乃息南陽府新野東北有彈子池世傳漢光武彈蛙於此

至今有蛙不鳴**手譚池** 日本國有疑露臺上有手譚池

上有玉綦子不由制度黑白分明

浴池

南昌府子城東有

飲馬池相傳有少年見姦女七人脫五綵衣於岸側浴池中少年戲藏其一諸女浴竟着衣化白鶴去獨失衣女不能去隨至少年家為夫婦約以三年還其衣亦飛去

凝碧池

在西安府

城東南唐禁苑中安祿山反給事中王維為其所得祿山大宴凝碧池維聞悲甚賦詩痛悼去萬戶傷心生野烟百官何日再朝天秋槐落葉空宮裡凝碧池頭咽管絃後盜滅或以此詩聞故維得減論下遷太子中允

覆杯池

在金陵古臺城太初

宮中昔晉元帝頗以酒廢政王導諫之帝因覆杯池中以為戒

報恩池

丹陽縣謝家場北有報恩池相傳王姓者好食鱉一

市必數枚庖婢每竊一二放之事覺恐被撻自投於池鱉養負

得不死故池名報恩

淬鐵池

宋歐陽程永州府營道人少

為郡吏郡後有池常淬鐵為戎器名鐵作池植亭其旁一日太

守於吏牘間得副紙記池亭之勝有寒影倒吞凌漢樹冷光高

浴半天星之句問知為程詩大驚異之與之金使歸為學登進

士第累官屯田員外郎

裴波池

太真外傳唐玄宗在東郡晝

夢一女容貌艷異拜於牀前上問汝是何人對曰妾是陛下凌

波池中龍女衛宮護駕妾實有功今陛下洞曉鈞天之樂之賜

一曲以光族類上於夢中為鼓胡琴採新舊之曲為凌波曲龍

女拜而去及覺上盡記之會禁樂乃自御琵琶習而翻之與文

武臣僚於凌波宮臨池奏新曲池中波濤湧起復有神女出池
心乃所夢之女也上大悅語於宰相曰於池上立廟歲祀焉
龜池 宋徽宗大觀中都水使者趙寔得兩首龜於黃河獻以
為瑞嘗京曰此齊小白所謂象罔見之而霸者也鄭居中言首
豈有二人皆駭異而京獨主之殆不可測帝命燕龜於金明池
按金明池周世宗時所穿宋太祖嘗幸此觀習水戰**相國池**
在湖州府烏程縣治內唐大曆中李晤官於烏程子紳甫一歲
數墮此池若有物扶持而出後為相國後人曰以名池**金鵝**
池 在丹陽縣治內宋夏竦為本縣掾一日侍母燕坐見黃鸝
雙渡於地發之得黃鸝二其母取瘞之竦曰亭其上後人發地

求之不得遂為池曰名金鷲

溪 **磻溪** 尚書大傅呂望釣磻溪於魚腹中得玉璜溪在鳳
翔府寶雞縣東南谷中石壁深邃林木秀阻中有石室

花溪 在成都府西南杜子美至成都劍南節度使裴冕為卜
西郭浣花溪作草堂以居之一名百花潭按吳中復莫國夫人

任氏碑記夫人徵時有一僧墜汚渠中為濯其衣見百花滿潭

曰名其潭曰浣花又唐妓薛濤家於潭旁以潭水造紙為五色

篔簹 **篔簹** 在浙江長興縣南傍有餘鬣村故名梁武帝時

童謠云玉氣在三餘乃於餘干餘姚餘杭為厭勝之法時長興
有餘干山餘鬣水餘魚浦而陳武帝實當之魚本作吾吳越之

音訛耳好溪

慶州東有惡溪多水怪唐宣宗時刺史段成式

有善政水怪潛去民謂之好溪驢馬溪劉備乘的盧馬西走

至檀溪一躍三文而過以免劉表之追漢在襄陽府西**磨鐵溪**

在眉州鼓山縣象耳山下唐李白讀書於此學未成棄去適過

是溪逢老媪方磨鐵杵白問媪何為答曰欲作鍼耳白感其言

遂還卒葉媪自言姓武溪旁有武氏巖黃溪丹陽朱方門

外有夢溪馬宋沈括嘗夢至一小山花如覆錦香果蒼鬱山下

有水其響之後謫居潤州宛如夢中遂築室居焉曰名夢溪俞

見道可溪齊桓公北征孤竹國將至卑耳溪見一人長尺許

而人物衣冠具馬右祛衣走馬疾導以問左右左右不見也管

仲曰此登山之神俞兒也臣聞霸王之君興則登山之神見且

走馬前導也祛衣示前有水也右祛衣示右方涉也及至溪從

左方涉其深及冠從右方涉其深至膝桓公既涉果得孤竹遂

霸天下桓公遂再拜曰仲父之聖至此按孤竹今永平府古郡

名**頰花溪**武昌府咸寧縣有頰花溪相傳洪崖先生煉丹之

地嘗見一老姥於此採頰莫測所自來或問之答曰吾鮑姑也

忽不見慈溪在慈溪縣西南舊名大隱東漢董黯曰母疾思

飲此溪水築室溪上以便取汲故後人以慈名溪馬鳴溪

在叙州府發源慶符縣西會馬湖江達於蜀昔士人鄭氏牧馬

溪上馬產龍駒朱駿頰尾高可七尺將以為貢至溪振鬣長鳴

躍入於水故名 **烏脚溪** 在漳州涉則足黑如墨

還珠洞 在桂林府伏波山下俯瞰灘水中可容二十榻
戶牖穿透石如蒼玉旁垂一石柱下至平地不合者纔一

線許俗號伏波試劍石相傳前代有一漁者洞中行數百步漸
明朗見一物如大暝目而睡前有一珠甚光瑩因急懷歸官府

尋知之意其為異物亟命還之漁人復至洞中此物猶未醒故
後人名洞曰還珠 **呼猿洞** 杭州武陵山有呼猿洞在飛來峰

之西冷泉之左晉僧慧理嘗畜白猿於此劉宋有僧智一因訪
舊蹟亦於洞中畜猿臨洞長嘯則諸猿畢集故名 **國山三洞**

善卷洞在宜興縣國山東南洞有三曰乾洞曰大水洞曰小水

洞周幽王時忽自開裂奇形怪狀宛如飛墮周圍峭壁刻以佛

像有石筍高丈餘號玉柱宋熙寧初僧若冲與其徒秉燧以入
行約三十里忽聞聲大震衆懼而返 **華陽洞** 庚堅志李元

川政和間至和州遊遠郊忽墜一穴中黑如夜稍進漸明石池
中荷花爛熳天日光耀又聞誦經聲不見人已而忽至道旁僧

寺問僧乃滁州境也已過七日纔一晝耳其所墜乃華陽洞

鬼谷 鬼谷先生春秋晉平公時人姓王名詡一作詡嘗
入雲氣山採藥得道類如小童居清溪之鬼谷蘇秦張儀

問道三年辭去子曰二子輕喬松之永壽而貴一旦之浮榮惜

哉 **愚公谷** 在臨淄縣西北韓非子云齊桓公逐鹿入谷問一

老父此何以名愚公谷對曰臣畜牝牛生犢賣犢而買駒少年謂牛不能生馬遂持駒去傍隣聞之以臣為愚故名**老父谷**

在保定府唐縣葛洪山西南宋時有一老姑嘗謂人曰貧道住此二百年矣言畢投崖下不墜飛昇而去後人名其崖為捨身

崖坑儒谷

在西安府臨潼縣西南衛先公秦既改古文為

篆隸是天下不從而召諸生至者皆拜為郎又密令冬月種瓜

於驪山研谷中溫處瓜已實乃詔諸生往觀先為伏機於瓜處

諸生方相論難因發機陷之後人號曰**憨儒鄉**唐立**旌儒廟**刻

水谷

襄陽府南漳南有刻木谷漢孝子丁蘭所居**車箱**

谷

在西安府華陰縣西南深不可測禱雨者必投石其中若

有鳥飛出即雨黃巢谷

在漢中府金州牛山唐末黃巢作

亂太白山人謁金州刺史去請掘此谷則賊自敗掘之得一石

桶上有一劍中有黃腰獸獸見劍自撲而死後巢果敗**鸚鵡谷**

唐常嗣立營別第於驪山鸚鵡谷中宗臨幸命從官賦詩製序

賜既優備因封嗣立為逍遙公名所居為清虛原幽棲谷**王官**

谷

唐司空圖乘官居中條山王官谷時寇盜所過殘暴獨不入

此谷

長沙府嶽麓山下有蒼筤谷乃僊巢先生鍾尚

書間居遊觀之地上有吹香亭宋理宗親書僊巢吹香亭五字

有詩放鶴去尋三島路任人未看四時花**彈琴谷**彈琴谷在

四川水出漢中聲如彈琴**郵谷**褒城縣西北有箕谷一名道

人谷漢成帝時鄭子真耕於谷口又曰鄭谷牛口谷在真定

府昔有童謡曰實入牛口勢不得久實建德為唐兵所破走至

此景被擒子平谷在西安府城南谷中路連南北故名南

谷 褒谷在褒城縣東北出連雲棧直抵斜谷郡國志北口曰

斜南口曰褒郎君谷六帖王龜字大年侍父至河中結廬

於中條山谷中朔望一歸省州人號為郎君谷東柯谷在

成縣東南杜甫姪佐居此谷有大樹人呼為子美樹

類苑叢寶卷之六

